

**Namminersorlutik Oqartussat**

**2018-imi kukkunersiuinermi nalunaarut (Kukkunersuisut oqaaseqaataat)**

# Imarisai

1.	Ukiumut naatsorsuutit	1243
2.	Kukkunersiuinermik ingerlanneqartumik inerniliineq	1244
3.	Ukiumut naatsorsuutitut kukkunersiuinermik oqaaseqaatit	1248
4.	Kukkunersiuinerup ingerlanneqarnera	1256
5.	Aningaasaqarnermik kukkunersiuineq	1258
6.	Inatsisit atortinneqarnerannik kukkunersiuineq	1272
7.	Ingerlatsinermik kukkunersiuineq	1277
8.	Ingerlatsinermik kukkunersiuilluni misissuinerit angisuut	1282
9.	Pisortat ingerlatsiviutaannik namminersortitanik kukkunersiuineq	1283
10.	Suliffeqarfiit nammineertitat kukkunersiorneqarnerat	1284
11.	Paasissutissat allat	1287
12.	Uppernarsaaneq	1288
	Ilanngussaq 2 – Kukkunersiuinerup siunertaa, ingerlanneqarnera, annertussusia kiisalu akisussaaffinnik agguataarineq	1289

# 1. Ukiumut naatsorsuutit

Namminersorlutik Oqartussat 2018-imi ukiumut naatsorsuutaat Naalakkersuisunit saqqummiunneqarput.

Deloitte, avataanit kukkunersiuisutut toqqakkatut ukiumut naatsorsuutit inatsisit, malittarisassat ileqqussallu atuuttut naapertorlugit kukkunersiuinermik ingerlatsivoq.

Ukiumut naatsorsuutit ilanngussanik (naatsorsuutit nassuiarneqarnerannik) imaqartut – uagut kukkunersiuikkavut – kisitsisinik pingaarnernik imaattunik saqqummiussipput:

	<u>2018</u> <u>mio.kr.</u>	<u>2017</u> <u>mio.kr.</u>
Ingerlatsinermi angusat	-90	-261
Ingerlatsineq - sanaartorneq & taarsigassarsiat (DAU-mi angusat)	-115	-204
Aningaasarsiuutigalugu taarsigassarsisitsisarnermi iluarsisani angusat (DA-angusat)	-133	-230
Pigisat	9.833	9.255
Oqimaaqatigiissitsisarnermi konto	-6.119	-6.392
- isumaqarput oqimaaqatigiissitsisarnermi sinneqartoorutit ajunngitsumillu angusaqarneq		

## 2. Kukkuñersiuinermik ingerlanneqartumik inerniliineq

Kukkuñersiuinitsinnut inaarutaasumik ukiumut naatsorsuutit kukkuñersuiusutut uppersaammik atsiorpagut.

Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imi akuersissutigineqartoq tunngavigalugu, Namminersorlutik Oqartussat naatsorsuutaasa kukkuñersiorneqarnerat pinngitsoorani ingerlanneqasaaq Pisortat Naatsorsuutaannik Kukkuñersiuinermi ileqqorissaarnissaq aallaavigalugu. Taassuma immikkoortumi 4 sukumiinerusumik nassuarneqarnera innersuussutigaarput.

### **Kukkuñersuiusup kiffaangissuseqartup uppersaanera**

#### ***Inatsisartunut***

### **Ukiumut naatsorsuutit kukkuñersuiusunit uppersarneqarnerat**

Nunap Karsiata ukiumut naatsorsuutaanik 1. januar – 31. december 2018-imit tunngasunik kukkuñersiuinerput naammassivarpur, taakkua imaraat angusat naatsorsorneqarnerat, oqimaaqatigiissitsineq, nassuiaatit aamma pisussaaffiulersinnaasut kiisalu immikkut ilanngussat naatsorsuutit nassuiaataannik imallit. Ukiumut naatsorsoortit suliarineqassapput Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu.

Uagut paasinnittaaserput naapertorlugu ukiumut naatsorsuutit sutigut tamatigut eqqortuupput, tamanna isumaqarpoq naatsorsuutit Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu suliarineqarsimasut.

### **Inerniliussamut tunngavissat**

Uagut kukkuñersiuinermik ingerlatsivugut kukkuñersiuinermi nunani tamalaani najoqqutassat aamma nuna-tsinni kukkuñersuiusoqarneq pillugu inatsimmi piumasaqaatit, taamatullu pisortat kukkuñersiorneqarneranni najoqqutassat naapertorlugit, tassami kukkuñersuiineq ingerlanneqarmat Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu. Najoqqutassat piumasaqaatillu taakku naapertorlugit uagut akisussaaffippur erseqqinnerusumik nassuiarneqarpoq kukkuñersuiusup uppersaanera pillugu immikkoortumi "Ukiumi naatsorsuutit kukkuñersiorneqarnerannut Kukkuñersuiusup akisussaaffiat". Namminersorlutik Oqartussanut kiffaangissuseqarpugut nunani tamalaani kukkuñersuiusut ileqqorissaarnissamut najoqqutassat (IESBA-p ileqqorissaarnissamut malittarisassai) aamma piumasaqaatit allat Kalaallit Nunaanni atuut-

tut naapertorlugit, soorluttaaq malittarisassat piumasaqaatillu taakkua eqqarsaatigalugit ileqqorissaarnissamut pisussaaffivut allat naammassigivut. Uagut paasinnittaaserput naapertorlugu, kukkunersiuinermit uppernarsaatissatut anguneqartooq naammappooq aamma uagut inerniliussatsinnut tunngavissatut naleqqulluni.

## **Erseqqissaanerit kukkunersiuinermit paasinninnissamut tunngasut**

Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalimmi piumasaqaatit naapertorlugit, 2018-imut missingersuut akuersissutigineqartooq Naalakkersuisunit ilanngunneqarpoq ukiumut naatsorsuuseriffiusumut 2018 naatsorsuutit nalunaarsorneqarnerannut il.il. kisitsisinik sanilliuassinissamut atugassatut. Kisitsisit sanilliuusinermi atugassat kukkunersiorneqarsimanngillat.

## **Naalakkersuisut ukiumut naatsorsuutitut akisussaaffiat**

Naalakkersuisut akisussaaffigaat ukiumut naatsorsuutitut eqqortumik takutitsisunik suliaqassallutik, imaappooq pingaarnerusutigut kukkunernik amigaatinillu imaqanngitsunik, Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu. Taamatuttaaq Naalakkersuisut nammeneq nakkutillineq akisussaaffigaat, tamanna ukiumut naatsorsuutitut pingaarutilitsigut kukkuneqanngitsunik saqqummiussinissamut Naalakkersuisunit pisariaqartutut isigineqartooq, kukkuneq unneqaserlunnermit imaluunniit kukkunivimmit pissuteqaraluarpat paasineqarsinnaaqullugu, taamatullu naatsorsuuserinermit periutsimik naapertuuttumik toqqaaneq aamma atugaqarneq, soorluttaaq naatsorsuuserinermit missiliuussineq pissutsit atuuttut naapertorlugit Naalakkersuisunit naammaginatutut isigineqartunik atuutsitsineq.

## **Kukkunersuisup akissaaffia**

Uagut anguniagaraarput isumannaallisaanermik qaffasissumik pilersitsissalluta, ukiumut naatsorsuutit tamakkiisut kukkusumik paasissutissiinginnissaat pillugu, tamanna peqquserluttuliornermit kukkunermilluunniit pisimagaluarpat, aamma kukkunersuisutut uppernarsaammik inerniliussamik imalimmik tunniussissalluta. Isumannaallisaaneq qaffasissooq tassaaavoq isumannaallisaaneq pitsaalluinnartooq, taannali qularnaveeqqutaanngilaq kukkunersiuinermit nunani tamalaani periutsit aamma Kalaallit Nunaannut piumasaqaatit immikkut atuuttut naapertorlugit, kukkunersiuinerup ingerlanneqartup tamatigut kukkunernik malunnaatilinnik qulaajaanissaanut, taamaattut piusimassappata. Kukunerit malunnaatilittit peqquserluttoqarnera imaluunniit kukkusoqarnera tunngavigalugit pisinnaapput, aamma malunnaatilittit isigineqarsinnaapput tupigusuutissaanngitsumik naatsorsuutigineqarsinnaappata, ataasiakkaarlutik imaluunniit ataatsimoorlutik aningaasaqarneq pillugu aalajangiussanut sunniuteqarpat, naatsorsuutitut atuisut ukiumut naatsorsuutit tunngavigalugit aalajangiarimmatigik.

Kukkunersiuinermit atatillugu, kukkunersiuineq nunani tamalaani periutsit atorneqartut aamma Kalaallit Nunaannut piumasaqaatit immikkut atuuttut naapertorlugit ingerlanneqartumi, uagut kukkunersiuinerup nalaani suliaqarfittinnut tunngatillugu naliliinermik ingerlatsissaagut, aamma uagut suliaqarfittinnik ingerlatsinitsinni qularneq atugarissavarput. Taakkununga ilanngullugit:

- Ukiumut naatsorsuutit pingaarutilinnik kukkusunik paasissutissiisoqarsimaneranik paasiniaaneq aamma nalillineq, taakkua peqquserluttuliornermit imaluunniit kukkuluttornikkut pisimagaluarpatluunniit, aarlerinaatit qisuariafigalugit kukkunersuisutut iliuusissamik periusissiorneq aamma ingerlat-

sineq, kiisalu kukkunersuiusutut uppersaatinik pissarsineq uagut inerniliussassatsinnut tunngavisatut naammattutut aamma naleqquttutullu isigisatsinnik. Peqquserlunnerit tunngavigalugit kukkunernik pingaarutilinnik paasisaqqanngitsoorsinnaanermut aarleriaat kukkunernik pingaarutilinnik kukkunivinnik pissuteqartunit qaffasinneruvoq, peqquserluttuliomerit peqatigiinniapilunnikkut, peqquserluluni allagaasiornikkut, piaaraluni ilanngussinngitsoornikkut imaluunniit nammineq nakkutilliinermik atuutsitsinngitsoornikkut pisarmata.

- Nammineq nakkutilliinermik kukkunersuinermit pingaaruteqartumik paasinnissaagut uagut kukkunersuiusutut iliuuserisassagut ilusilerumallugit, taakkua pissutsinut naleqquttuussapput kisianni Namminersorlutik Oqartussat nammineq nakkutilliinerata pitsaassusianut naliliinertut paasineqassanngillat.
- Isummerfigissavarput, naatsorsuuserinermik periuseq aqutsisunit atorpeqartoq naleqquttuunersoq, kiisalu naatsorsuuserinermi naliliinerit aamma paasissutissat taakkununga tunngasut aqutsisunit suliarineqarsimasut tulluatuunersut.
- Inerniliissaagut, ingerlatsinnarnissaq siunertaralugu naatsorsuuserinermi periuseq atorlugu Naalakkersuisut ukiumut naatsorsuutitut suliaat naleqquttuusut, taamatullu kukkunersuiusutut uppersaatisatut pissarsiarineqartoq tunngavigalugu, pisut imaluunniit pissutsit annertuumik qulalersitsinnaanersut, Namminersorlutik Oqartussat ingerlatsinerata nanginneqarsinnaaneranut. Inerniliigutta annertuumik qularnartoqartoq, uagut kukkunersuiusutut uppersaansitsinni tamanna malugeqqussavarput ukiumut naatsorsuutini paasissutissiinnikkut imaluunniit, paasissutissat taakkua naammaginangippata uagut inerniliussarput allanngortissavarput. Uagut inerniliussarput kukkunersuiusutut uppersaananermik tunngaveqarpoq, taanna uagut kukkunersuiusutut uppersaanita ullua tikillugu atuuttoq. Taamaattoq, Namminersorlutik Oqartussat ingerlatsinerminik nangitsinnarsinnaassanngilaq siunissami pisut imaluunniit pissutsit nassataannik.

Naalakkersuisut attaveqarfigisassavagut ilaatigut kukkunersuinerup pilersaarutigineqartup annertussusia aamma qaqugukkut pinissaanut tunngatillugu, kiisalu kukkunersuiusutut isiginiakkat pingaarutilit pillugit, tassunga ilanngullugit uagut kukkunersuiuinitsinni nammineq nakkutilliinermi amigaataasinnaasut malunnaatillit pillugit.

## **Aqutsisut nalunaarutaat pillugu oqaaseqaat**

Naalakkersuisut aqutsisut nalunaarutaannut akisussaasuupput.

Ukiumut naatsorsuutit pillugit uagut inerniliussarput aqutsisut nalunaarutaannut tunngassuteqanngilaq, aamma aqutsisut nalunaarutaat pillugu uagut inerniliussavimmik saqqummiussineq ajorpugut.

Ukiumut naatsorsuutini kukkunersuiuinitsinnut atatillugu, uagut akisussaaffigaarput aqutsisut nalunaarutaannik atuassalluta tassungalu tunngatillugu eqqarsaatersuutigalugu, aqutsisut nalunaarutaat ukiumut naatsorsuutini imaluunniit uagut kukkunersuiuinitsinnit ilisimalersimasatsinnit malunnaatilimmik ataqatigiinngisuteqarnerisat allatulluunniit kukkunernik pingaarutilinnik imaqarsorinarnersoq.

Taamatuttaaq uagut akisussaaffigaarput eqqarsaatersuutigissallugu, aqutsisut nalunaarutaat Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26,

28. november 2016-imeersoq kingorna allannguutitalik il.il. naapertorlugu paasissutissatut piumasaqaatinik imaqarnersoq.

Kukkunersiuinermik ingerlatsinerput tunngavigalugu uagut naliliivugut, aqutsisut nalunaarutaat ukiumut naatsorsuutitut naapertuutuusoq taamatullu Kommunit aamma Namminersorlutik Oqartussat missin-gersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna al-lannguutitalik il.il. naapertorlugu suliarineqarsimasoq. Aqutsisut nalunaarutaanni kukkunernik pingaarutilinnik naammattuugaqanngilagut.

## **Inatsisiliorneq alla aaqqiinerillu allat naapertorlugit upper-narsaaneq**

### **Inatsisinik atuutsitsinermik kukkunersiuineq aamma ingerlatsinermik kukku-nersiuineq pillugit oqaaseqaatit**

Naalakkersuisut akisussaasuupput, naatsorsuutitik saqqummiussinermut atasumik iliuserisat aningaasaliis-sutinut, inatsisinut malittarisassanullu allanut taamatullu isumaqatigiissutinut atuuttunut nalinginnaasumillu ingerlatsinermut naapertuuttuunerannut. Naalakkersuisut aamma akisussaasuupput, ukiumut naatsorsuutini ilaasuni aningaasanik aqutsinermut aamma ingerlatsinermut tunngassuteqartuni sipaarsinnaassuseq, piler-sitsisinnaassuseq aamma pitsaassuseq aallaavigineqarnissaannut. Tassunga tunngatillugu Naalakkersuisut aaqqissuussanik ingerlatseriaatsinillu pilersitsinissamut akisussaasuupput, sipaarsinnaassutsimut, pilersitsisin-naassutsimut pitsaassutsimullu tapertaasunik.

Uagut ukiumut naatsorsuutitik kukkunersiuinitsinnut atatillugu akisusaaffigaarput, inatsisit atuutsinneqar-nerannik kukkunersiuinermik aamma ingerlatsinermik kukkunersiuinermik sammisanik toqqakkanik Inger-latsissalluta, pisortat kukkunersiorneqarnerannut malittarisassat naapertorlugit. Inatsisit atuutsinneqarneran-nut kukkunersiuinitsinni sammisatut toqqakkani isumannaallisaanerup qaffasissusia misilerassavarput, aaqqissuussinerit misissorneqartut naatsorsuutitik saqqummiussinermi ilaasut aningaasaliissutit, inatsisit malittarisassallu allat naapertorlugit ingerlanersut kiisalu isumaqatigiissutitut atuuttut aamma nalinginnaasu-mik ingerlatseriaatsimut naapertuuttuunerat. Ingerlatsinermik kukkunersiuinitsinni annertuumik qularu-tissaqarata naliliissaagut, ingerlatsivinni ukiumut naatsorsuutitut ilaasuni aaqqissuussat, ingerlatseriaatsit imaluunniit aalajangiinerit sipaarsinnaassutsimut, pilersitsisinnaassutsimut pitsaassutsimullu eqqarsaatersor-tussaaneermut naapertuunnersut.

Suliamik ingerlatsinerput tunngavigalugu inerniliissagutta, isornaatilinnik pingaarutilinnik oqaaseqaasiornis-samat pissutissaqartoq, tamanna oqaaseqaammi matumani nalunaarutigissavarput.

Tassunga tunngasumik nalunaarummi matumani isornaatilinnik pingaarutilinnik oqaaseqaatissaqanngilagut.

### 3. Ukiumut naatsorsuutitut kukkunersemiutit oqaaseqaatit

Qulaani taaneqareersutut Nunap Karsiata 2018-imi naatsorsuutit nangaassutitaqanngitsumik uppernarsaaffigaavut aamma missingersuutit kukkunersemiutit oqaaseqaatit erseqqissaatigalutit.

Tamanna isumaqarpoq, Nunap Karsiata naatsorsuutit ataatsimut isigalutit eqqortumik takussutis-siisut Nunap Karsianik naatsorsuusiortarnermi periusissat naapertorlugit – aamma naatsorsuutit atuartussap naatsorsuutit naliliinissaanut pingaarutilittut isigineqartut aallaavigalutit killiussap aalajangersimasup iluani.

Aallaqqaasiutigalugu malugeqqussavarput Namminersorlutik Oqartussat naatsorsuusiortarnermut suleriaasiani pitsanngorsaatissat ingerlaavartumik taaneqartarsinnaammata – pingaartumik naatsorsuusiortarsimut eqaallisaanermut tunngasut.

Tamatunnga assersuutit taaneqarsinnaavoq, uppernarsaatit ilanngussanik tamanik digitaliseeriineq kiisalu akissarsialerineri nuussanik sukumiinerusumik sammisaqarnerunissaq.

Taamaakkaluortoq naatsorsuutit ingerlatsineri naggataatigut aaqiineri arlalinnik iluarsisoqarpoq, tamanna immi pitsaasuvoq naatsorsuutit eqqornerusunik takutitsinerit iluaqtaagami. Paarlattuanik aaqiinerimut pisariaqartitsinerit taakkua ingerlatsineri taamak kingusitsigsumik paasineqarnerat ernumanaateqarput.

Suli uagut isumaqarpugut, nakkutilliineri ingerlatsinerit, taakkununga ilanngullutit uppernarsa-nerit – aamma nakkutilliineri ingerlatsinerit malitseqartitsinerit, suliffeqarfittut Namminersorlutik Oqartussat angissuseqartumut aamma katitigaasumut naatsorsuutigineqarsinnaasariaqaraluartut naapertorlugit, suli ingerlatsisoqalinngitsoq.





Taamaattumik immikkoortumi tulliuuttumi takuneqarsinnaasut, ukiut siuliiuulli immikkoortuni arlaqartuni allaffissornikkut sukaterisoqarsinnaavoq, aammattaaq suliassaqarfiit ilaanni naatsorsuutit kukunerit nassarisimavagut, ukiumut naatsorsuutit naammassinninnermut atatillugu aaqineqarsimasunik.

Siornatigumut naleqqiullugu toqqarneqarpoq, kukkunersemiutit oqaaseqaataat ataasiakkaat nalinginnaerusumik ingerlatsinerimut tunngasumik naammassinnaat. Taakkua Namminersorlutik Oqartussani nakkutilliineri ingerlatsinerimut tunngassuteqarput aamma taakkua ingerlaavartumik pitsanngorsarnissaannut ineriartortinnissaannullu pisariaqartitsinerimut tunngapput. Paarlattuanik toqqarneqarpoq, susassaqarfiit pineqartut ataanni ajornartorsiutit allaaserinissaat.

#### **Ilisarnaatit**

Kukkunersemiutit itisilernerullutit saqqummiunneqartussatut peqqutissaqarsorisavut uani takuneqarsinnaapput.







Ilisarnaat	Nassuiaat
	Misissuineq oqaaseqaasiornissamut tunngavissinngilaq. Immikkoortoq matuneqarsinnaavoq.
	Misissuineq naapertuutinningsunik ataasiakkaanik nassaarfiugaluarluni oqaaseqaasiornissamut tunngavissinngilaq. Immikkoortoq ilaatigut ammavoq.
	Misissuineq oqaaseqaasiornissamut pissutissiivoq. Kukkuersuinermit Ataatsimiititaliamut innersuutigineqassaaq, apeqqutigineqaqullugu aqutsisoqarfimmit taanna qanoq iliuserineqassanersoq.
	Sanngeequtit/pissutsit malunnaatillit paasineqarput. Kukkuersuinermit Ataatsimiititaliamut innersuutigineqassaaq, aqutsiveqarfimmut isornartorsuinermit saqqummiussisoqaqullugu, pissutsit taamaattut uteqqeqqunagit, pinngitsoortitsiniaalluni malittarisassanik pilersitsisoqaqullugu.





### 3.1. Ukiumi kukkuersuinermit oqaaseqaatit

Ukiumi kukkuersuineq kukkuersuisut oqaaseqaataannik nutaanik saqqummiussinissamut tunngavissinngilaq.

### 3.2. Siornatigut kukkuersuinermit oqaaseqaatit malitseqartinneqarnerat

Siornatigut kukkuersuinermit oqaaseqaataasimasunik malitseqartitsinermik ingerlatsivugut aamma uagut Kukkuersuisutut oqaaseqaatitsinnut ulloq 7. juni 2017-imeersumut Naalakkersuisut oqaasertaliussat misissorlugit, soorluttaq 2017-imut Nunap Karsiata naatsorsuutaasa Inatsisartunit akueri-neqarnissaanut Kukkuersuinermit Ataatsimiititaliap isumaliutissiissutaa misissorparput.

Nr.	Kukkuersuinermit oqaaseqaat	Pineqartoq	Killiffik	Naliliineq
2013-04	Nammineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaanissaq	3.2.1 5.3.3	Ammavoq	
2013-07	Attartortitsinermut immikkoortut ukiup ingerlanerani ingerlaavartumik malitseqartinneqarnerat aamma naligiissaarneqarnerat	3.2.2 5.3.6. og 5.3.7.	Ammavoq	
2013-08	Pisiniartarfinnut akiisut naligiissaarneqarnerannik sulinerup nukittorsaqqinneqarnera pisariaqarpoq nioqqutissat aamma kiffartuussinerit pisiat nalunaarsorneqarnerisa eqqoqqissaarnissaat qulakkeerumallugu	3.2.3 5.3.9.1.	Ammavoq	
2013-09	Aningaasaliissutaasunik nakkutilliinermi malittarisassanik sukaterineq – ilanngullugu suna pissutigalugu atuinerrussuteqarnissamut tunngavissamik pisarialimmik pissarsiniartoqarsimanginnersoq	3.2.4 6.2.1	Matuvoq	

2016-02	Akissarsiat nalunaarsorneqareersut naligiissarneqarnerat, kiisalu Sulinal aamma XAL-ip akornanni ataqatigiittoqarneranik naligiissarineq	3.2.5 5.3.3	Ammavoq	
2016-04	Akiligassaqarfinnut aamma aningaaserivinni inisitsikkat ammasut nikinganerannut aalajangiineq amigaataasoq	3.2.6 5.3.10.1	Ammavoq	
2017-01	Sanaartornermut luarsartuussinissamullu aningaasaateqarfiup ataani suliniutinut aningaasaliissutit aamma ilassutitut aningaasaliissutit naligiitigiisinneqarnerat amigarteq	3.2.7.	Ammavoq	
2017-02	XAL-imi attartortitsinermit aaqqissuussami ernialersuineq, akiliutissanik akileeqqusissut il.il. amigaataasut.	3.2.8.	Ammavoq	

2017-imit 2018-imit oqaaseqaat ataaseq aaqqissuteqarfigineqarsimavoq (2013-09).

Immikkoortut nalunaarsukkamit peerneqartarput aaqqiiffigineqartutut nalilerneqarnermik kingorna ukioq qaangiukkaangat.

### **3.2.1. Nammineq nakkutilliinermut atatillugu akissarsiat tamakkiisut allattorsimaffiunik suliaqartarnerup pingaarutaanik erseqqissaanissaq (2013-4)**

2013-imi kukkunersuineramik nalunaarusiami qupperneq 955-imi imatut allappugut:

*" Tassungaa atatillugu immikkoortunut avataaniittunut pulaarnitsinni akissarsiat tamakkiisut allattorsimaffiannik nakkutilliineq pissusissamisut ingerlanersoq misissuiffigaarput. Tamaaliorneq nakkutilliineruvoq pingaarutilik, qulakkeerniarlugu akissarsianik kukkusunik tunniussisoqartannginnissaa. Akissarsiat tamakkiisut allattorsimaffiannik misissuisarneq assigiinngisitaartumik peqqissaaruneqartarpoq inassutigissavarpullu nakkutilliinerup pingaaruteqarnerata immikkoortunit ataasiakkaanit malinneqarnissaata sukateriffigineqartariaqarnera."*

Ukioq manna kukkunersuinitinni paasivarput pissutsit ukiumut siuliunut naleqqiullugit annermik allannguuteqarfiusimanngitsut, taamaattoq naalakkersuisoqarfinni anginerumaani akissarsiat inernerisa allattorsimaffianni pitsanngoriaatinik naammattuugaqarpugut.

Tassa immikkoortortani mikinerusuni akuersissutit amigaataanerata pingaartumik malunnarneruvoq.

Taamatuttaaq kukkunersuinitinni paasivarput akissarsiat tamakkiisut allattorsimaffii nassiuneqartut utertinneqartarnerannut tunngasoq malitseqartitsiffigineqarneq ajortoq, innersuussutigissavarpuput nakkutilliisarneq taanna pilersinneqaqqullugu.

Ukiut siuliini kukkunersuuisutut oqaaseqaatigisartagarput attatiinnarparput.

### **3.2.2. Ukiup ingerlanerani taarsigassarsisitsinernik malinnaatitsilluni suliaqartarneq kiisalu naligiissarineq (2013-7)**

2013-imi kukkunersuinermit nalunaarusiami qupperneq 959-imi imatut allappugut:

*"Taarsigassarsisitsisarnermut tunngasunik naatsorsuisimaneq misissuiffigaarput taakkualu nalingi Namminersorlutik Oqartussat naatsorsuuserinermut tunngavissai malillugit suliaanersut misissorlutigit. Tamatuma saniatigut misiliggummik tigussilluta taarsigassarsisitsinermi uppersaataasut misissorpagut.*

*Namminersorlutik Oqartussat Aningaasanut Inatsisimmi konto 89.72.12 oqaaseqaatit malillugu erniaqanngitsunik ilanngaataasussaannngitsunillu taarsigassarsisitsinnaavoq – pingaartumik – Illuut A/S-imut. Tamannali aatsaat aalajangersarneqavittarpoq akiitsoqarnermik uppersaata suliarineqaraangat, tassani takuneqarsinnaasussaammat taarsigassarsiat erniaqanngitsumik ilanngaataasussaannngitsumillu tunniunneqassappata piumasaqaatit naammassineqarsimanersut.*

*Namminersorlutik Oqartussat naatsorsuuserinermut tunngavissai malillugit taarsigassarsiat taamaattut 0 kr.-nik naliligaapput. Suliani pineqartuni malinnaatitsilluni sulineq tassalu taarsigassarsiat erniaqaratillu ilanngaataasussaannngitsunersut imaluunniit akerlianik aalajangersaasoqarsimanersoq ukiup ingerlanerani naammaginartumik suliarineqartarsimangilaq tamatumalu kingunerisaanik ukiumut naatsorsuutinik suliaqarnermut atatillugu taarsigassarsianik misissuisoqarnerata kingorna nalilersuilluni iluarsisuteqarnerit annertooujussuit pisimallutik.*

*Inassutigissavarput ukiup ingerlanerani iluarsisutit qanimut malinnaatitsilluni suliarineqartarnissaat taamaalluni siunissami naatsorsuutinik suliaqarnermut atatillugu iluarsisutinik suliaqartarnissaq pinngitsoortinneqartarniassammat."*

Ukiup ingerlanerani immikkoortumi suliassat sukateriffigineqarsimapput – ESU aamma BSU attartukkanut tunngasuni nakkutilliinerit malunnaatillimmik pitsanngoriaateqarsimasut paasineqarpoq.

Ukiutum naatsorsuutinik naammassinnermik suliap taamaattoq paasinarsitippaa, taarsigassarsianut INI A/S aqutigalugu allaffissornermik ingerlatsinerit kiisalu ingerlatsiviit taarsigassarsiaannut nakkutilliinerimik suliap suli pitsanngorsartariaqartut – pingaartumik ingerlatsivinnut namminersorlutik oqartussanit pigineqartunut tunngasuni.

Siornatigut kukkunersuisutut oqaaseqaaterput attatiinnarparput – taamaattoq taarsigassarsianut INI A/S aqutigalugu ingerlatsinernut taamaallaat tunngavoq.

### **3.2.3. Pisiortorfinnut akiitsut naligiissaarnerannik ataavartumik suliaqartarnerup nukittorsarneqarnerunissaa (2013-8)**

2013-imi kukkunersuiinermut nalunaarusiami qupperneq 963-imi imatut allappugut:

*"Ukiutum naatsorsuutit suliarineqarnerannut atatillugu paasivarput suliassat ataasiakkaat suli ammasut, pisiortorfiup kontoani akiligassaq ulloq 31. december takuneqarsinnaasoq, akiligassarli taanna Namminersorlutik Oqartussat naatsorsuutaani naatsorsuuserinermi suli ilanngunneqarsimanani.*

*Pasitsaanneqarsinnaavoq akiligassat eqqortumik piffissalersugaasimanginneri – tamannalu pisutaalluni ukiumut naatsorsuutini saqqummiunneqartussani akiligassat amigaataasut. Naliliinerpulli naapertorlugu tamanna ukiumut naatsorsuutit tamakkiisut eqqortumik takutitsinerannut sunniuteqartussaangilaq.*

*Inassutigissavarput akiligassaqarfignanut naligiissaarnermik suliaqartoqassasoq – taamalu akilerallagaasinnaasut suli ammasut paasiniarneqartutik – siunissamilu taakkuninnga iluarsaassineq sukanernerusumik ingerlanneqalissasoq."*

Avataani pisiniartarfiit akornanni akiligassat naligiissaarneqarnerat nakkutilliineruvoq pingaaruteqarluinnartog, nioqqutissanik kiffartuussinernillu pisiniarnermi eqqortumik piffissalersuinerimik qulakkerinnissutitut. Tamanna aamma pingaaruteqaaq missingersuutit ingerlaavartumik malitseqartinneranni taamatullu ukiumoortumik naatsorsuutinik eqqoqqissaartumik takutitsinissamut.

Ukiup ingerlanerani immikkoortumi suleriaaseq nukittorsaaffigineqarsimavoq, ukiulli ingerlanerani kukkunersiuinitta ukiullu naanerani sulianik ingerlatsinerup takutippaat, akiligassalinnik naligiissaarnermik kissaatigineqartumik suli ingerlatsinerunissaq pisariaqartoq kiisalu naligiissaarnermik ingerlatsinerni inssiikkalik ammasunik suli imaqarpallaartut. Akiitsoqarfigisat illugiilluni akiitsoqarfigeqatigiinneq pillugu naligiissaarnermik ingerlatsinerunissaq pisariaqarpoq.

Innersuutigaarput akiitsoqarfigisanut naligiissaarnermik suliaqartoqassasoq – aamma akiitsut suli ammasinnaasut pillugit paasiniaasoqarluni – tamassuma siunissami sukateriffigineqarnerunissaa kissaatiginarpoq, taamaaliornikkut qaammatit tamaasa pisiortorfiit pingaernerit qulit naligiissaarnermik ingerlatsiffigineqartarlutik, naligiissaarinerillu nakkutilliiffigineqarnerannik ingerlatsisoqartarluni.

Pingaartumik pisortatut oqartussaassuseqartunut (kommunit) aamma immikkoortortanut Namminersorlutik Oqartussanit nakkutilliiffigineqartunut (ingerlatsiviit ingerlatseqatigiiffiillu nammineertitat) akiitsut naligiissaarnerannik sulineq pitsanngorsartariaqarpoq.

Siusinnerusukkut kukkunersiuinermi oqaaseqaaterput suli aalajangiusimavarput.

### **3.2.4. Aningaasaliissutaasunik nakkutilliinermi malittarisassanik sukaterinissaq (2013-9)**

2013-imi kukkunersiuinermut nalunaarusiami qupperneq 967-imi imatut allappugut:

*"Namminersorlutik Oqartussat missingersuutaat pillugu Inatsimmi allassimavoq aningaasaliissutitaqanngitsunik akiligassanik isertitanillu peqartoqassanngitsoq. Aningaasaliiffigineqartussaapput ingerlatsinermut aningaasaliissutit, aningaasaliissutit inatsimmik aallaaveqartut, tapiissutinut aningaasaliissutit, sanaartornermut aningaasaliissutit isertitassanullu aningaasaliissutit. Allatut pisoqarsimatinnagu aningaasaliissutit tunniunneqartussaapput ilanngaait peereerlugit aningaasaliissutit – imaappoq isertitaqarnerussutit ingerlaannartumik aningaasartuuteqarneruffiusunut nuuginarneqarsinnaanngillat.*

*Naatsorsuuserinermut malittarisassani immikkoortoq 7.3 naapertorlugu naatsorsuutini nassuiaatitaqartussaapput atuisimanerup tamakkiisup 2 pct. sinnerpagu imaluunniit aningaasaliissutaasut 200.000 kr.-t sinnerneqarpata.*

*Naalakkersuisoqarfiup nalunaarutigisussaavaa nikingassutaasut sulianut ingerlanneqarsimasunut naleqqiullugit sumik pissuteqarnerusut – sunalu pissutigalugu nikingassutaasunut aningaasaliissutis-sanik matussutaasussanik pissarsiniartoqarsimannnginnersoq."*

Naliliinerput naapertorlugu naatsorsuutininut nassuiaatit siornatigumut naleqqiullutik pitsaanerupput nassuiaatilli naammattumik suliarineqarsimanissaat suli amigaateqarput – tassunga ilanngullugit sulianut tunngasut, atorfiit inuttassarsineqarsimannngitsut kinguneri ilaalu ilanngullugit.

Ukioq manna aammaarluni tunngavilersuutini takuneqarsinnaanngilaq suna pillugu nikingassutaasunut aningaasaliissutissanik qinnuteqartoqarsimannnginnersoq.

Aningaasaliissutinik sippuilluni atuisimaneq pingaarnertut ima isigineqarsinnaavoq – ilassutitut aningaasaliissutinik qinnuteqartoqarsimannnginnerata kinguneranik pissuteqarsinnaavoq - eqqoqqissaartumik suliaqarsimannnginneq aamma aningaasanik aqutsinerup iluani piffissaagallartillugu sillim-martaarsimannnginneq, aningaasaliissutaasunik sippuilluni atuisussanngornermut atatillugu iliuusis-sanik suliaqarsinnaannginneq aamma/imaluunniit suliaqarusussuseqannginneq imaluunniit ukiup naanerani immikkut ittunik pisoqarsimaneramik taamalu piffissaagallartillugu qanoq pisoqarsinnaan-neranut sillimartaarnissaq ajornarsimalluni, ilassutitut aningaasaliissutinik qinnuteqarnissaq pisin-naanani.

Arlalinnit malittarisassatigut iluarsiiisuteqarnissaq kissaataavoq erseqqissuuleqqullugu, qaqugor-piaq aningaasaliissutit nikingassutaasa matussutissaannut qinnuteqarnissamut akornutaasunik nas-suiaateqartoqassanersoq. Tamanna eqqarsaatigineqarsinnaavoq.

Malittarisassat naleqqussarneqarsimapput, imaalillugit aatsaat 2 pct.-imik imaluunniit 1 mio.kr.-inik nikingasoqartillugu naatsorsuutit pillugit nassuiaammik tunniussisoqartassasoq aamma/imaluunniit kontomut allakkiamik ilanngussisoqarsimappat ukiut akornanni nuussinernut akuersissutaasumik.

Tunngavilersuutitut piumasaqaatit saniatigut ilassutitut aningaasaliissutitut erseqqissaaneq pigineqanngilaq taamaattumik tassannga pissarsiniarnissaq ajornarsimalluni.

Tunngavilersuutitik ataasiakkaanik suli amigaateqaraluartoq, sooq ilassutitut aningaasaliissutitut nassuiaatit pisariaqartut pissarsiarineqarsinnaannginnersut, maanna immikkoortoq matuneqartutut isigaarput.

### **3.2.5. Akissarsiat naatsorsuutitut nalunaarsoriikkat naligiissaarneri, kiisalu Sulinal aamma XAL ataqatigiinnerannik naligiissaarineq (2016-02)**

2016-imi kukkunerisuiusut oqaaseqaataanni qupperneq 1115-imi ima allappugut:

*” 2016-imi ukiumoortumik naatsorsuutitik suliaqarnermut atatillugu akissarsiat katinnerat naligiissaarneqarsimavoq akissarsianik aaqjissuussivik atorlugu tunniunneqarsimasut aamma Sulinal aqputigalugu Akileraartarnermut Aqutsisoqarfimmut nalunaarutigineqarsimasut akornanni – kiisalu akissarsiat aningaasaqarnermut aqutsissummi nalunaarsukkat taamaattumillu taakkua ukiumoortumik naatsorsuutitut ilaasut. Kisianni Sulinal aamma XAL-ip akornanniunngitsaq (aningaasaqarnermik naatsorsuuserineq).*

*Akissarsiat nalunaarsorneqareersut ingerlaavartumik naligiissaarneqartarnerat nakkutilliinertut pingaarteqartutut isigineqarpoq, akissarsianik suliassaqarfimmi kukkunerisinnaasunik paasisaqar-nissamut. Tassunga atatillugu ukiumut ataasiarluni naligiissaarineq ingerlanneqartarpoq.*

*Uagut naliliivugut, nakkutilliineq pitsaasumik sunniuteqassappat, qaammatit tamaasa naligiissaar-nermik ingerlatsisoqartassagaluartoq, taamaaliornikkut piffissami sivikinnerusumi nalorninartoqar-tassagaluarimat. Ilanngullugu naligiissaarinerit ingerlanneqartut nioq kingulleq amigaatigaat, taanna tassaalluni Sulinal aamma XAL-ip akornanni naligiissaarineq.*

*Naligiissaarineq taamaattoq pillugu arlaleriartarluta iluatsinngitsumik apeqqutilliisaraluarpuq. Uagut innersuutigaarput akissarsianik naligiissaarineq pingaarnersiorneqarluni akulikinnerusumillu ingerlanneqartassasoq.”*

Suli ileqquusumik pilersitsinissaq iluatsinngilaq, taamaaliornikkut naligiissaarineri immikkoortut pingasut tamarmik qaammatikkuutaartumik naligiissaarneqarnerannik ingerlatsisarnermik qulakke-erinnittumik.

Taamaattumik immikkoortoq suli ammasutut nalilerparput.

### **3.2.6. Akiligassaqarfiit- aamma aningaaserivimmiittuutit naligiissaarneranni inissitsikkat ammasut aalajangiiffi- neqarneranni amigaatit (2016-04)**

2016-imi kukkunerisuiusut oqaaseqaataanni qupperneq 1155 ima saqqummiussivugut:

*” Qitiusumik allaffeqarfimmi aningaaserivimmiittuutininik aamma akiligassaqarfinnik naligiissaarinermi kukkunersuinermit ingerlatsinermit atatillugu paasivarput, inissitsikkat pisoqqat ammasut arlallit sulii aalajangiiffiqarsimanngitsut.*

*Uagut paasinnittaaserput naapertorlugu aallaaviuvoq immikkoortut ataasiakkaat namminneq akisussaaffigigaat inissitsikkat taamaattut ingerlaavartumik qulaarneqartarnissaat, taamannalli pisoqartanngilaq, aamma qitiusumit taakkua aaqqiissuteqarfigeqqullugit iliuuseqartoqartanngilaq.*

Ukiup ingerlanerani tamanna suliniarfigineqarsimavoq, kisianni sulii inississukkani ammasuni aningaaserivimmi kontot naligiissaarneqarnerannik aamma/imaluunniit malitseqartinneqarnerannik assersuutissanik naammattuuvugut.

Taamaattumik immikkoortoq taanna sulii ammasuutut nalilerparput.

### **3.2.7. Sanaartornermut Iluarsartuussinernullu aningaasaateqarfiup ataani suliniutitut aningaasaliissutit naligiissaarneqarnerat amigartoq**

Aningaasaliissutit aamma ilassutitut aningaasaliissutit nalunaarsorneqarnerat maanna naammaginnartumik ingerlavoq.

Sanaartornermut Iluarsartuussinernullu aningaasaateqarfiup nakkutilliiffiqarneqarnerani paasineqarpoq assersuutissaqartoq suliniutit naammassineqareersut sulii matuneqarsimanngitsut – tamanna isumaqarpoq aningaasaliissut sinneruttoq angusat nalunaarsorneranni aningaasaliissutitut kontonut naapertuuttunut utertinneqarsimanngitsaq.

Kontoni pingaarnerni nikingassutit Deloittemit paasineqarput, kingorna ASAmiit taakkua aqqinneqarput.

Taakkua saniatigut paasineqarpoq taarsigassarsisilluni suliniutit qassiit akiligassanik anngajaanik imallit. Tamanna kingorna aqqinneqarpoq oqimaaqatigiissitsinermit kontomut toqqaanartumik inissitsiterineq aqutugalugu.

Aqqiinertut suliat isumaqatigaavut. Taamaakkaluortoq ingerlatsinerup ersersippaa, Sanaartornermut Iluarsartuussinernullu aningaasaateqarfimmi suliniutit ingerlaavartumik malitseqartinneqarnerannik qulakkeerinninnissaq sulii pisariaqartoq.

Innersuussutigineqarpoq, Sanaartornermut Iluarsartuussinernullu aningaasaateqarfimmi suliniutit ukiup ingerlanerani misissorneqartarnissaat aamma ukiup naammassineqarneranut atatillugu, qulakkeerumallugu ERP-mik aqqiissuussami nalunaarsuinerit eqqoqqissaarnerat.

2018-imi aamma nikingassutit kingornalu inissitsitereqqinnissamut pisariaqartitsineq paasineqarput.

Taamaattumik immikkoortoq sulii ammasuutut isigaarput.

### **3.2.8. Ernialersuinermit aamma akilersuutininik akileeqqusissutininik ingerlatsinermit amigaataasut**

Boligstøttemik taarsigassarsiat ilaat ukiuni 10-20 ernialersugaanngillat akilersuugassaanatillu. Taarsigassarsiat tamakkua ilaannut piffissaq ernialersuiffiunngitsaq akilersugassanillu imaqqanngitsaq maanna qaangiukkiartulerpoq.

Taarsigassarsianut suliaqarfik XAL, taarsigassarsianik tamakkuninnga allaffissornermi ator-neqartoq, ernialersuinnermut akilersuutinillu akileeqqusissutinik suliaqarnissamut aaqqissu-ussaangilaq.

Innersuussutigissavarput, ajornartorsiut taanna aaqqiiviginiarlugu aaqqiissutissamik naapertuut-tumik nassaarniarnissamut suliniartoqaqqullugu, taarsigassarsiat ernialersorneqaratit akiler-sorneqaratillu piffissarititaasoq qaangiunnerani taarsigassarsiat ernialersorneqarlersut akiler-sorneqalersullu ima amerlatigilinnginneranni assaannarmik allaffissornermik ingerlatsiffigineqamis-saat naapertuugani.

Tamanna suli iluarsineqanngilaq.

Taamaattumik immikkoortoq suli ammasutut isigaarput.

### **3.3. 2017-imi naatsorsuutitut tunngatillugu Kuk-kunersiuinnermut Ataatsimiititaliap isumaliu-tissiissutaanik malitseqartitsineq**

2017-imi Nunap Karsiata naatsorsuutai pillugit kukkunersiuusutut oqaaseqaatitsinnut Naalakkersui-ut oqaaseqaataat Kukkunersiuinnermut Ataatsimiititaliamit pissarsiariniarneqarsimapput.

Akissutit pissarsiarineqarsimasut misissorpagut misissorlutiguttaaq Kukkunersiuinnermut Ataatsimiiti-taliap 2017-imi Nunap Karsiata naatsorsuutai pillugit isumaliutissiissutaa.

Suliniutaasussat arlaqartut Naalakkersuisut akissuteqaataanni taaneqartut tamakkiisumik atuutsin-neqalersimanersut naliliiffiginissaannut suli siusippallaarpoq taamatullu taakku kissaatigineqartutut kinguneqarsimanersut.

Immikkoortumi ukiut siuliini kukkunersiuinnermi oqaaseqaatit malitseqartitsilluni suliarineqarsimane-rinut tunngasuni, immikkoortut arlaqartut siornatigut eqqaaneqartut suli ammaannarput tamatumalu ilaatigut ersersippaa suliniutissamik aalajangiinnermit tassuma sunniutissarpiaanut piffissaq pisari-aqartinneqartartoq.

2019-imi ukiumut naatsorsuutinik suliaqarnissatsinnut atatillugu malinnaatitsilluta suliarissavarput pissutsit uparuarneqarsimasut iliuuseqarfineqarsimanersut – tamatumalu qanoq kinguneqarsima-nera.

## 4. Kukkuersiunerup ingerlanneqarnera

Kukkuersiuneq ingerlanneqarpoq Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu.

Inatsit taanna atorlugu Namminersorlutik Oqartussat kukkuersiorneqarneranni pinngitsoorani Pisortat Naatsorsuutaannik Kukkuersiunerimi Ileqqorissaarnissaq malinneqassaaq, taanna uani erseqqissaatigineqarpoq; Standarderne for Offentlig Revision (SOR).

Taassuma saniatigut Kukkuersiunermit Ataatsimiititaliaq ingerlatsinerup kukkuersiuisunik misissorneqarnerannik aallartitsinnaavoq.



Kukkuersiuisutut naalagaaffimmit akuerisaasutut pisussaaffigaarput nunat tamalaat akornanni kukkuersiuisunut naalagaaffimmit akuerisaasunut ileqqoreqqusanik malinnissalluta.

Kukkuersiuisutut naalagaaffimmit akuersisaasutut kukkuersiuisunut malitassiat nalinginnaasut saniatigut, 2018-imi ukiunut naatsorsuutininik kukkuersiunerimik ilivitsumik sulianermi pisortanik kukkuersiunerim illeqqorissaarnerim malitassat Namminersorlutik Oqartussanik kukkuersiunerim malinneqassapput.

Kukkuersiuisut uppersaanaerat 2018 aallarnerfigalugu Missingersuusiortarnermut inatsit akuersissutigineqartoq tunngavigalugu naleqqussarneqassaaq, taanna aqqutigalugu namminersorlutik oqartussani aamma kommunini Pisortanik Kukkuersiunerim illeqqussat atulersinneqarmata.



Ilanngussaq 2-mi kukkunersiuinerup siunertaa, ingerlanneqarnera aamma annertussusia kiisalu Namminersorlutik Oqartussat aamma uagut akornatsinni akisussaffiup agguataarsimanera allaaserineqarput.

## 4.1. Aarlerinaataasinnaasunik ersersitsineq

Kukkunersiuineq pilersaarusiorneqartarpoq ingerlanneqarlunilu peqqissaartumik naliliineq aamma nakkutilliineq tunngavigalugit, Namminersorlutik Oqartussani naatsorsuusiornermi- aamma nalunaarusiornermi aaqqissuussat kiisalu suleriaatsit kukkuluttorfiusinnaasutut aarlerinaatitaqarnerpaat pingaarnertut misissorneqaqqullugit.

Taamatulli pilersaarusiornermi naliliiffigineqartarpoq, inatsisinik malittarisassanillu unioqqutitsiffiusinnaasut, naatsorsuutiniq saqqummiussinermi ilanngunneqartussat, tassunga ilanngullugit aningaasaliissutissatut nalunaarutigineqarsimasut malinneqarsimanerat, Naalakkersuisut Inatsisartullu aalajangigaat allat, inatsisit maleruaqqusallu allat kiisalu isumaqatigiissutaasimasut periutsillu ator-neqartut nalinginnaasut.

Aammattaaq naliliiffigineqartarpoq naalakkersuinikkut aalajangiunneqarsimasut aningaasaqarneq eqqarsaatigalugu isumannaatsumik ingerlanerisa nalorninartorsiorfigineqarsinnaaneri.

Kukkunersiuineq pilersaarusiorneqartarpoq ingerlanneqarlunilu Namminersorlutik Oqartussat naalakkersuisoqarfiini, aqutsisoqarfiini suliffeqarfiutaanilu nalornissutaasinnaasunik peqqissaartumik naliliineq tunngavigalugu, namminersorlutik oqartussani naatsorsuusiornermi- aamma nalunaarusiornermi aaqqissuussat kiisalu suleriaatsit kukkuluttorfiusinnaasutut aarlerinaatitaqarnerpaat pingaarnertut misissorneqassallutik.

Tamatuma kingunerisaanik kukkunersiuinerup annertunersaa immikkoortunut qitiusunut pulaarluni ingerlanneqartarpoq, taakkuusarpullu Namminersorlutik Oqartussat immikkoortortaak akimorlugit arlalitsigut sullissisuusut, tassunga ilanngullugit ASA (Naatsorsuutit) aamma ASA (Akissarsiat), Akiler-aartarnermut Aqutsisoqarfik Digitaliseriinemullu Aqutsisoqarfik.

Taakkua saniatigut aallaaviatigut naalakkersuisoqarfiit tamarmik ukiut tamaasa pulaarneqartarput, taamalu immikkoortortaqarfiit Namminersorlutik Oqartussat ataaniittut ingerlatsinermi naatsorsuutiniq kukkunersiuikkanik tunniussisussaataasut (suliamik ilinniarfiit suliffeqarfiillu imminnut aquttut) aamma ukiut tamaasa pulaarneqartarput.

Immikkoortortat allat tulleriarineq malillugu pulaarneqartarput tamannalu aaqqissuunneqartarpoq Namminersorlutik Oqartussat Kukkunersiuisarfiat ataqatigiissaareqatigalugu.

Kukkunersiuineq ingerlanneqarneq ajorpoq ilanngussanik nuussanillu tamanik misissuilluni, ingerlanneqartarlunilu misiligutinik tiguisarluni uppersaatinik misissuinikkut imaluunniit allatut iliorluni naatsorsuuserineq uppersarneqartarluni ukiumullu naatsorsuutit eqqortumik suliaasimanersut paasiniarneqartarlutik. Tassunga atatillugu suliffeqarfimmi nakkutilliissutit ukiumut naatsorsuutiniq kukkunersiuinermut atatillugu pisariaqarsorigaangatsigu misissuiffigisarpagut.

Taamatulli inatsisinik atuutitsinermik kukkunersiuineq ingerlattarparput aqutsinermillu kukkunersiuisarluta tulleriarinissamut pilersaarut malillugu, taamalu ukiut arlallit ingerlaneranni immikkoortut pingaarutillit kukkunersiorneqartarput, ukiut tamakkiangikkaluarlugit.

Inatsisinik atuutitsinermik kukkunersiuineq ingerlatsinermi inatsisinut aamma malittarisassanut aamma atortussanut inatsisit malittarisassallu nalinginnaasut kukkunersiorneqartarput kukkunersiuinermi malitassat atuuttut naapertorlugit, aamma taamaattoq ingerlatsinermik kukkunersiuilluni misissuinerit angisuut ilaattut.

## 5. Aningaasaqarnermik kukkuner- nersiueq

Aningaasaqarnermik kukkuner-  
nersiueq tassaavoq Namminersorlutik Oqartussani ukiumut naatsorsuutit sutigut tamatigut eqqortuunerannik misissuineq, ima paasillugu Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu kukkunernik amigaatinillu nakkutilliineq.

Ukiumut naatsorsuutit ukiup ingerlanerani aningaasanik nuussisarnermik aamma ulloq 31.12. aningaasaqarnikkut inissisimanermik eqqoqqissaartumik takutitsissapput, Namminersorlutik Oqartussani naatsorsuuserinermik periutsit naapertorlugit kisinneqarsimasunik, soorlu Namminersorlutik Oqartussat naatsorsuuseriveqarnerat pillugu inatsisit nalunaarutillu malillugit suliarineqarsimasumik kisalu Namminersorlutik Oqartussani Naatsorsuuserinermik najoqqutassaq naapertorlugu suliarineqarsimasumik.

Tamanna ilaatigut pinngitsoorneqarsinnaanngilaq Namminersorlutik Oqartussat aningaasaqarnikkut suliarisimasaanik aamma inissisimanerani naliliisinnaajumalluni – kisianni aamma aningaasaliissutit naatsorsorneranni uppernartumik tunngavissaqarumalluni (aningaasaliissutitut malittarisassat eqquutsinneqarnerat).

Kukkuner-  
nersiueq ingerlanneqarpoq misiligutinik tiguisarluni aarlerinaatinik nalinginnaasunillu naliliisinnaajumalluni. Kukkuner-  
nersiueq sulia-  
saqarfiit pingaartinneqarnerusut tassaapput kukkunernik aamma amigaatinik malunnaatilinnik aarlerinaateqarsinnaasutut nalilerneqarsimasut.

### 5.1. Nakkutilliinermik ingerlatsineq

Suliffeqarfimmi namminermi nakkutilliinermik ingerlatsineq pitsaasoq naatsorsuutitut tunngavissani piaarinaatsornikkut kukkunernik amigaatinillu illersuutissaavoq pitsaanerpaaq.

Ukiut siuliinisuulli kukkuner-  
nersiueq namminersorlutik oqartussanik nammineq nakkutilliineq ukkatararput aamma nakkutilliinermik ingerlatsinerup ilusilerneqarsimanera atuutsinneqarneralu.

Ataani assiliartaliussami namminersorlutik oqartussani nakkutilliinermik ingerlatsinerup sanarfinera ersersinneqarpoq, sulia-  
saqarfiit qorsummik qalipaattillit ukiumut naatsorsuutitut kukkuner-  
nersiueq immikkut isiginiarneqarsimasut.



Kukkunersuineri naliliiffigineqartarpoq suliffeqarfiup nalunaarutiginnissamut aqqissuussai, suleriaatsit atugai aamma suliffeqarfimmi namminermi nakkutilliissutit illersorneqarsinnaasumik ingerlanerat. Taamaaliornermi anguniarneqarpoq naatsorsuutit saqqummiussinermut tunngavissanik eqqortunik, uppersussilinnik aamma naatsorsuutit inissitsiterinerit piffissaq eqqorlugu nalunaarsorneqarnerannik ingerlatsisoqartarnerata nakkutilliiffigineqarnerat.

### 5.1.1. Nakkutilliinermik ingerlatseriaatsip nalilerneqarnera

Kukkunersuinerup ersersippaa kukkunernut aamma amigaatinut aarlerinaataasinnaasunik naliliinermik aamma/imaluunniit suliap taassuma uppersarneqarneranik eqqarsaatigilluakkamik aqqissuussamillu killeqartorujussuarmik ingerlatsisoqartoq.

Namminersorlutik oqartussat nammineerluni nakkutilliinermik ingerlatsinera nukittorsarneqarsinnaavoq ajunaarutaasinnaasunik ilisimasaqarnerulluni aqqissuussaanagerusumillu taakkuninnga ujartuisarnikkut, soorlu piaaraluni piaarinaatsoornikkulluunniit kukkunernik - kiisalu ajunaarutaasinnaasut tamakkua naapigiarniarlugit nakkutilleeriaatsinik pisariaqartunik ilusilersuinikkut – aamma minnerunngitsumik taakkuninnga malitseqartitsinermik nukittorsaaqarneratigut, ilumut nakkutilliinermik suliat taakkua ima annertutigisumik imartutigisumillu ilusilerneqarnermissut ingerlanneqartarnerat pillugit.

Tamanna ASA-mik ingerlaavartumik oqaloqatigiissutigineqartarpoq, aamma ASA naapertorlugu suliaq taanna ilanngunneqassaaq ERP-mik aqqissuussineq nutaaq atulersinneqarneranut atasumik.

2017-imisut siunnersuutigineqassaaq siunissami Namminersorlutik Oqartussat aningaasaqarnerata nakkutilliinermik ingerlatsiffigineqarnera ukiumoortumik nalunaarusiarineqartaqqullugu, taanna kukkunersuisut malitseqartitsinermik sulineranni atorineqartassaaq.

Nalunaarusiaq minnerpaamik qulaani nakkutilliinermik ingerlatsinermi immikkoortuunik taasanut tunngassuteqartassaaq.

Uagut naliliivugut nalunaarusiamik suliaqarnermik ingerlatseriaaseq eqqarsaatersuutit iluaquutaasinnaasunik arlalinnik nassataqassaaq, nakkutilliinermik suliaq aarlerinaataasinnaasunut pitsaaneruseq kingumut aallaaveqarsinnaalerluni.

## 5.2. IT-mik atuineq IT-millu nakutilliissutit nalinginnaasut

Namminersorlutik Oqartussani allaffissornermik ingerlatsinerit amerliartuinnartut digitalimik ingerlapput imaluunniit sakkussat digitaliusut ikiorsiullugit ingerlapput. Taamannak ineriartortoqarneratigut aarlerinaatit ilaat naapinniarneqartarput assaannarmik ingerlatsinernik malitseqartunik – kisianni akuttunngitsumik taakkua kingunerisaannik kukkunernik amigaatinillu katitigaanerusunik nutaanik pilersoqartarpoq.

IT-mik nakutilliissutit nalinginnaasut tassaapput suliffeqarfimmi it-mik ingerlatsinerni pingaarnerni nakutilliissutit aqutsisunit pilersinneqarsimasut, it-mik atuinermik nakkutigilluagaasumik aamma isummaatsumik, aamma taamaattumik suleriaatsit it-mik tunngaveqartut paasissutissanik passusinerannut tapertaasunik pilersitsisinnaajumalluni.

Namminersorlutik Oqartussat kukkunersiorneqarneranut atasumik it-mik nakutilliissutit nalinginnaasut ukiumut nalunaarummik saqqummiussinissamut pingaaruteqartutut nalilikkavut kukkunersiorpavut, ukiumut nalunaarut malunnaatilimmik kukkusumik paasissutissiigani eqqortuusinnaaqullugu aamma inatsisitigut piumasaqaataasut naapertorlugit saqqummiunneqarsinnaaqullugu.

Systemit aaqjissuussat pingaarnertut makkuupput:

- Windows AD (operativsystem/aqutsissut)
- XAL (finansbøgføring/aningaasaqarnermik naatsorsuuserineq)
- IRIS (fakturahåndtering/akiligassanik passussineq)
- MR-løn (lønadministration/akissarsianik allaffissorneq)
- E-skat (skatteadministration/akileraarutininik allaffissorneq)
- Sulinal (skatteadministration – indberetning/akileraarutininik allaffissorneq nalunaarutiginnitarneq)
- Betalingssystemer/Akiliinermi aaqjissuussat

It-mik nakutilliissutinik nalinginnaasunik kukkunersiuinerput tunuliaqutaralugu - Namminersorlutik Oqartussat ukiumut nalunaarutaanik kukkunersiuinerput tapertaasussat pingaaruteqartutut nalilikkatsinni, suliaasaqarfinni malunnaatilimmik pitsanngorsaattissat makkua naammattoorpavut:

- Innersuussutigaarput, Namminersorlutik Oqartussani it-mik atuinermi aarlerinaataasinnaasunik misissuinermik tamakkiisumik aqutsisunillu akuerisaasumik ingerlatsisoqaqqullugu, aqutsisunit Naalackersuisunut isumannaallisaanertut kissaatigineqartoq tunngavigalugu
- Innersuussutigaarput, atuisunut allaffissornermik ingerlatsinermi malittarisassamik piumasaqaatitalimmik Naalackersuisut suliaqaqqullugit, aaqjissuussanut aamma it-mik ingerlatsiffinnut tamanut atuuttumik. Malittarisassat imannak imaqartariaqarput:
  - Atuisunik pilersitsineq aamma pisinnaatitaaffinnik tunniussineq.
  - Piffissakkuutaartumik isissutinik aamma pisinnaatitaaffinnik naliliineq (minnerpaamik ukiumut), ilanngullugit suliamik immikkoortitsisinnaanermik toqqissisimanartumik pilersitsisoqarnerata eqqarsaatigineqarnera.
  - Atuisut suliffimmi soraarneranni atorunnaarsinneqarnerat.

Tassunga ilanngullugu innersuussutigaarput, Naalackersuisunit qulakkeerneqaqqullugu malittarisassat Namminersorlutik Oqartussani suliaasaqarfinni tamaginni kisartorsimaleqqullugit,

taakkua pinngitsoornatik malinneqartarnissaat qulakkeerneqaqqullugit aamma atuisunik pilersitsinerit, aamma atorunnaarsitsinerit tamarmik piffissakkuutaartumillu pisinnaatitsissutinik naliineq sulianillu immikkoortitsineq pisortatigoortumik uppersarsarneqartaleqqullugu.

- Innersuussutigaarput, XAL, IRIS, MRLøn aamma eSkat ataatsimut atuisutut pilersinneqarsimasut atorunnaarsinneqaqqullugit, paarlattuanik innunat ataasiakkaanut atuisutut innersuunneqarsinnaasut pilersinneqaqqullugit.
- Innersuussutigaarput ineriartortitsinermik suliaqartut toqqaannartumik aamma tamakkiisumik pilersuinerimik suliaqarfinnut XAL, IRIS, MRLøn aamma eSkat piginnaatitsissuteqannginnissaat. Tamanna piviusunngortinneqarsinnaanngippat innersuussutigaarput ineriartortitsinermik suliaqartut pilersuinerimik suliaqarfinni iliuuserisaat nakkutilliiffigineqarnerannik pilersitsisoqaqqullugu (ass. pilersuinerimik suliaqarfinnut isernerit nakkutigineqarnerat aamma isernerit piffissakkuutaartumik, malittarineqarlutik pisortatigoortumillu nakkutigineqarnerannik pilersitsisoqaqqullugu).

Suliaqarfimmut tassunga tunngatillugu aamma siunnersuutigineqassaaq, piumasagaatinik eqqussisoqartariaqartoq, allaffissornermik ingerlatseriaatinut IT-mik tapertaqarnermut tunngatillugu, isumannaallisaanerup nukittorsarneqarneranik suliap nalunaarusiorneqarneranik suliaqartoqartassasoq avataanit kukkunerisuiisunit atorineqarsinnaasumik.

Suliaqarfimmi tassani aamma nalunaarusiamik taamaattumik suliaqarnermut atatillugu ingerlatsineq eqqarsaatersuutinik inerisaataasunillu pitsaasunik nassataqarsinnaavoq.

### 5.2.1. ERP-mik aqqissuussaq nutaaq pisortat ataatsimoorussa

2018-imili Naalakkersuisut ERP-mik aqqissuussamik (Enterprise Ressource Planning) nutaamik atulersitsissusaagaluarput. Atulersitsinissarli arlaleriartarluni kinguartinneqartarpoq maannakkullu naatsorsuutigineqarluni aqqissuussaq 2019-ip ingerlaneranit 2020-p aallartinnerata tungaanut atulersikkiartuaarneqassasoq.

ERP-mik aqqissuussap (tunngaviatigut aningaasaqarnermut aqqissuussineq nutaaq) saniatigut kontonut pilersaarut nutaaq pisortanit ataatsimoorussaasoq atulersinneqassaaq, pisortat ingerlatsineranni aningaasanik pitsaanerumik aqutsinissamut tapertassatut siunertaqartoq.

Suliniutit tamarmik aqqissuussap nutaap inissitsiterneqarnerani misileraanerit annertoorujussuit pisariaqartinneqassapput, taamatuttaaq paasissutissanik pisoqqamit nutaamut nussuinerit kiisalu atuisut piginnaasaannik ineriartortitsinernik.

Misileraanerit ersersipaat aqqissuussaq aamma suliffeqarfik atulersitsinissamut piareersimangitsaq, taamaattumik atulersitsinissaq arlaleriartarluni kinguartinneqartariaqarsimavoq.

Aqqissuussat aamma suliffeqarfiup piareersimaneri pilertortumik atulersitsinermi pingaaruteqarnerusut isumaqataavugut, nalunaarsuinerit isumannaatsuunerisa malunnaatilimmik appariaateqarsinnaanerannut aarlerinartoqarmat tamatumalu kinguneranik ingerlaavartumik aningaasaqarnermik aqutsinermi unammilligassanik angisuunik peqalersinnaanera.

## **5.2.2. Peqquserlunnerit pillugit aqutsisunik oqaloqateqartarnerit**

Peqquserlunnerit pineqartut tassaapput Namminersorlutik Oqartussat pigisaannik piginnaatitaagani peersineq aamma/imaluunniit atuineq, soorlu isertitanik aamma aningaasartuutunik piffissalersuinermi isumaliutigisamik uukapaatitsineq (Namminersorlutik Oqartussat naatsorsuuserinermik ileqqussarititaanit isertitat aamma aningaasartuutit naatsorsuusiorneqarneranni kukkusumik piffissalersuineq).

Kukkunersuinermit pilersaarusiornermut atatillugu Aningaasaqarnermut Sulisoqarnermullu Aqutsisoqarfimmi aqutsisunut peqquserluttoqarsinnaaneranut aarlerinaatinut tunngasut apeqqutigaaqut – aamma taakkua ukiup ingerlanerani imaluunniit naatsorsuutunik saqqummiussinermit atatillugu peqquserlunnernik ilisimasaat pillugit.

Aqutsisut ilisimatippaatigut naliliinertik naapertorlugu peqquserlussinnaanermik pissuteqartunik nalorninartuusinnaasunik immikkut maluginiagaqarsimanatik aamma Namminersorlutik Oqartussat nakkutilliinerat ingerlalluartaq, taamalu ukiumut naatsorsuutini pingaarutilitsigut kukkusumik paasisutissiinnaaneq misissorneqarsimasoq, tassunga ilanngullugit kukkusumik paasisutissiinerit peqquserlunnermit pissuteqartut.

Aqutsisut aammattaaq ilisimatitsissutigaaq peqquserlussimanermik imaluunniit pingaarutilitsigut peqquserluttoqarsimaneramik pasitsaassinermik pissuteqartumik misissuinerik ingerlatsisoqanngitsaq.

Taaneqareersutut isumaliutigineqartariaqarpoq aqqissuussaanagerusumik aarlerinaataasinnaasunik aqutsinermik pilersitsisoqartariaqarnera, aarlerinaataasinnaasut aqqissuussamik peqqissaartumillu misissuiffigineqarsinnaanngoqqullugit malitseqartinneqarnerannillu ingerlatsisoqarsinnaaqqullugu.

Taamaaliornikkut uppernarsaatinik pitsaanagerusunik pissarsisoqarsinnaavoq, aqutsisut naliliineranut ikorfartuutaasinnaasunik.

Oqaatigissavarput kukkunersuinitinni ukiumut nalunaarusiami kukkunernik peqquserlussimanermik pissuteqartunik paasisaqarsimannginnatta.

## **5.3. Ukiumut naatsorsuutit**

### **5.3.1. Ukiumut naatsorsuutit – naatsorsuusioriaaseq ator-neqartoq**

Namminersorlutik Oqartussat ukiumut naatsorsuutaat saqqummiunneqartarput nalinginnaasumik aningaasartuutit tunngavigalugit naatsorsuuserinermi periutsit atorlugit.

Tamanna isumaqarpoq, isertitat aamma aningaasartuutit aallaaviatigut ukiumut naatsorsuuseriffiusumut isertitatut pissarsiarineqartut imaluunniit akiligassatut tunniunneqartut naatsorsorneqartartut (pissarsiassaqaartitaanermit tunngavissaq).

Tunngavissarli pingaarneq immikkoortuni ataasiakkaani, soorlu akileraarutinit isertitani akitsuutinilu ator-neqarneq ajorpoq (akileraarutissatut nalunaarutigineqartartut akileraarutinit tunngasut suliarineqarnerisa inerneranni iluarsiissuteqarfiusarput) kiisalu piumasaqaatit angisuut naatsorsuiffiup nalaaani inaarlugit kisinneqarsinnaanngitsillugit (illuartitat).

Aningaasanut inatsimmi kontini arlalinni (pingaartumik suliamik ilinniarfinnut tunngasut) nuussinissamut periarfissaqarpoq, taakkuninngalu aqutsineq pisarpoq sinneqartoorutit/amigartoorutillu ilinniarfiit naatsorsuutaanni ilanngullugit. Taamaaliornikkut Namminersorlutik Oqartussat naatsorsuutaat tamakkiisut sunnigaasarput, naak ukiumi naatsorsuusiortiusumi pineqartumi isertitat/aningaasartuutit piunngikkaluartut.

Isumannaallisaalluni naatsorsuutit imatut sanarfineqarsimapput, suliffeqarfiit namminersortitat taamaallaat aningaasaliissutinit akiligassat akilerallakkalluunniit atorlugit akilersuisinneqartarlutik – ingerlatseqatigiiffinnut Namminersorlutik Oqartussanit pigisanut atuuttunut assingusumik.

Namminersorlutik Oqartussat ukiumut naatsorsuutaanni angusat marluk takuneqarsinnaapput:

- **DAU-mi angusat** – isertitat, ingerlatsinermit aningaasartuutit, sanaartornermit aningaasartuutit taarsigassarsisisarnermilu illuartitat katinneri. DAU-mi angusat siunertaraat isertitatigut aningaasartuutitigullu aningaasaliissutinit sinaakkutissanik qulakkeerinninnissaq kiisalu taarsigassarsisisarnermut tunngatillugu akiligassat isertut anisullu.
- **DA-mi angusat** – tassaapput DAU-mi angusat iluarsartuunneqareerneranni inernerusooq taarsigassarsisisarnermilu toqqakkani illuartitat (utertitsineq pereeraangat). *Taarsigassarsinerup suunera najoqqutaasarpoq DAU-mi angusani iluarsartuussinermit taanna DA-mi angusanut ingerlateqqinneqassappat ingerlateqqinneqassanngippalluunniit. Naliliineq pisarpoq taarsigassarsiap erniaqarnera aalajangiisuutillugu aammalu taarsigassarsianik utertitsinissap naatsorsuutigineqarsinnaanera, assersuutigalugu atuisut akiliutaasigut akilersuisitsinikkut (assersuutigalugu imermik nukissiorfeqarnermi).*

Inassutigissavarput nuussinermut malittarisassat isummannaallisaanermilu tunngavissat aammalu angusani oqariartaatsit assigiinngitsut naatsorsuuserinermit atorineqartumi pitsaanerusedumik allaaserineqassasut, taamaalilluni naatsorsuutinit atuartussap kissaatigissappagu tamanna eqqarsaatersuutigisinnaaqullugu.

Malugaarpulli 2018-imut naatsorsuutinit, naatsorsuuserinermit periuseq atorineqartoq pillugu allaaserinneq immikkoortumik nutaamik ilaneqarsimammat.

Ilanngullugu innersuussutigissavarput, inissitsikkat sorliit DA-mi angusani iluarsineqartussaanerit erseqqissumik nassuiarneqaaqullugu.

Naggataatigut innersuussutigissavarput, inissitsikkat sorliit siunissami nammineq aningaasaatit aqqutigalugit inissinneqartassanersut erseqqissaatigineqassasut – taakkununga ilanngullugu ukiunut siuliinut tunngasut iluarsineqarnissaannut erseqqissaatit.

Aamma nakkutilliiffigaarput, ukiumut naatsorsuutit naatsorsuuserinermit periuseq allaaserineqartoq naapertorlugi saqqummiunneqarnersut, tamanna oqaaseqaasiornissamut pissutissiinngilaq.

### **5.3.2. Akileraarutit akitsuutillu, 2.944 mio.kr.**

Akileraarutinit isertitat akitsuutillu Akileraartarnermut Aqutisoqarfimmit aqunneqarput.



Immikkoortut qorsummik qalipaattillit tassaapput kukkunersuinermit immikkut sammineqartut.

Misissuiffigaarput aningaasanut systemip E-akileraarutillu akornanni nikinganersuioqarsimanera taamalu piniarsimallutigu Akileraartarnermut Aqutsisoqarfiup akileraarutininik piffissalersuisimaneranit nalunaarusiat Namminersorlutik Oqartussani naatsorsuuserinermit tunngavissaat malillugit suliaasimanerat.

Sulisitsisut ukiuni kingullerni digitalimik nalunaarusiorsinnaalersimanerisa kingunerannik akileraarutininik nalunaarsuisarneq sukkatsippoq, taamalu akileraarutininik isertitat ukiumut akileraarusersuineq tunngasut nalunaarsorneqarsinnaanngorlutik.

Pissuserissaarnissaq eqqarsaatigalugu oqaatigineqassaaq kukkunersuinermit akileraarusersuineq immini ilanngunneqarsimanngimmat.

Akitsuutininik tunngatillugu misissorparput akitsuutininik akiligassiissutigineqarsimasut aalajangersimasumik akuttussusilersugaallutik ukiumut naatsorsuuseriusumut isertitatut eqqortumik inissitsiterneqarsimanerat.



### 5.3.3. Akissarsiat pensionillu, 1.868 mio.kr.

Akissarsialerinerimik allaffissornerup ilarujussua ASA-mit (Akissarsiat) suliarineqartarpoq.



Immikkoortut qorsummik qalipaattillit tassaapput kukkunersuinerimi immikkut sammeneqartut.

#### 5.3.3.1. Akissarsiat ilanngaatitaqanngitsut allattorsimaffiat

Qitiusoqarfiup avataani immikkoortortat pulaartarlugit akissarsiat ilanngaatitaqanngitsut allattorsimaffiinnik tiguisarluta nakkutilliinermik ingerlatsivugut. Nakkutilliineq pingaarutilik taanna qulakkeerrinnissutaassaaq akissarsianik kukkusunik tunniussisoqartarneranut. Akissarsiat ilanngaatitaqanngitsut allattorsimaffiannik misissuineq assigiinngisitaartumik peqqissaarussilluni ingerlanneqartarpoq, aamma innersuutigaarput, nakkutilliinerup taassuma pingaaruteqassusia immikkoortunut ataa-siakkaanut erseqqissaatigineqassasoq.

Immikkoortortat qaammatit tamaasa akissarsiat ilanngaatitaqanngitsut allattorsimaffiannik akuerineqartumik ASA-mut nassiussisussaapput. Ingerlaavartumik kukkunersuinerimik ingerlatsinitsinni paasivarput, tamanna tamatigut ingerlanneqartanngitsosq, soorlu nukingisaarinerimik ingerlatseriaaseqanngitsosq immikkoortortanit akissutinnik tiguisoqarsimanageranut qulakkeerutaasunik. Innersuutigaarput ingerlatseriaatsinnik taamaattunik pilersitsisoqaqullugu.

Ukiup naanerani suliamut atatillugu aningaasaqarnernut systemip, akissarsialerinerimut systemip Akileraartarnerimut Aqutsisoqarfimmullu nalunaarsuortarnerup akornanni naligiissaarisooqarnera misissorparput.

2018-imi ukiumut naatsorsuutit suliarinerannut atatillugu akissarsiat tamakkiisut akissarsialeriffik aqutugalugu tunniunneqarsimasut kiisalu akissarsiat Sulinal aqutugalugu Akileraartarnerimut Aqutsisoqarfimmullu nalunaarutigineqarsimasut akornanni naligiissaarisooqarpoq - aamma akissarsiat aningaasaqarnernut systemimut naatsorsuuserinerimik ilanngunneqarsimasut ukiumut naatsorsuutinnut ilaasut ilanngullugit. Kisianni Sulinal aamma XAL-ip akornanniunngitsosq.

Akissarsiat naatsorsorneqarsimasut ingerlaavartumik naligiissaarneqarnerat nakkutilliineruvoq pingaarutilik, akissarsialerinerimik suliaasaqarfimmi kukkuniussinnaasunik paasiniaanerimik.

Piffissami matumani nakkutilliineq ukiumut ataasiarluni ingerlanneqartarpoq. Nakkutilliinerup pitsa-assusia nukittorsarumallugu aamma naligiissaarineramik suliaq oqilisarumallugu, naligiissaarineramik suliaq qaammatikkuutaartumik ingerlanneqartariaqarpoq.

Taamaaliornikkut kukkuniusinnaasut amigaatillu siusinnerusukkut paasineqartassapput – aamma naligiissaarineramik suliamik ingerlatsineq annerusumik sungiunneqassaaq.

Saniatigut Sulinal aamma XAL-ip akornanni naligiissarineq ingerlanneqartassagaluarpoq.

### 5.3.4. Nioqqutissanik kiffartuussinernillu pisineq, 1.506 mio.kr.



Immikkoortut qorsummik qalipaattillit tassaapput kukkunerisiuinerimi immikkut sammineqartut.

#### 5.3.4.1. Pissalersuineq

Ukiup naaneranut tunngatillugu nakkutilliivigaarput, aningaasartuutit ukiumi aningaasartuutaaffigisaminni nalunaarsorneqarsimanerat.

2018-ip aamma 2019-ip akornanni piffissalersuinerimi kukkunerit mikinerumaat paasineqarput.

Taamaattoq taakkua angissusiat naatsorsuutit katinnerisa eqqortuunerannut sunniuteqanngillat.

### 5.3.5. Aningaaserivimmi karsinilu uninngasuutit, 454 mio.kr.

Aningaaserivinni uninngasuutit qitiusut ingerlaavartumik naligiissarneqartarput (kontit nuussinernik amerlasuunik ingerlatsiffiusut uninngasuutillu amerlasuut).

Ukiut siuliini assingusumik paasivarput, aningaaserivimmi kontit minnerusut arlaqartut, pingaartumik suliffeqarfinit namminernit suli akisussaaffigineqartuni, ukiup ingerlanerani naligiissaarineramik ingerlatsiffiusimangitsut.

Tassunga ilanngullugu akiligassallit aningaaserivimmi kontoat naammattumik naligiissaariffiuneq ajorpoq, tassani inissitsikkat tamarmik assigiissaarneqartaratik, uagut paasissutaativut naapertorlugit ilanngussat amerlasuut ataatsimoortillugit inississorneqartarnerat pissutaalluni.

Innersuutigaarput taanna siunissami pingaartinneqassasoq, taamaaliornikkut naligiissarineq tamakkiisoq qulakkeerneqartaleqqullugu.

Kukkunersiunerit atavimmut paasivarput, inissitsikkat arlallit pisoqaanerit ammasut, sulii aalajangiiffigineqarsimanngitsut.

Aningaasanik tigoriaannarnik atavimmut naligiissarineq nammineq nakkutilliinermut pingaaruteqartuummat inassutigissavarput, siunissami aningaaserivinni uninngasuutit karsimiittunillu naatsorsuinerit atavimmi misissorluarneqartarnissaat anguniarlugu suliniutinik aallartisisoqqaqqullugu.

### **5.3.6. Ingerlatsivinnut taarsigassarsiissutit, 2.151 mio. kr.**

Ingerlatsivinnut taarsigassarsiissutit (ingerlatsiviit namminersortitat aamma ingerlatsiviit Namminersortitut Oqartussanit pigineqartut) naligiissarneqarnerannik ingerlatsineq nakkutilliivigaarput).

### **5.3.7. Ineqarnermut tapiissutitut taarsigassarsiat, 674 mio.kr.**

Taarsigassarsiat Namminersortitut Oqartussat naatsorsuusiormi najoqqutassaat malillugit naatsorsorneqarlutillu nalimikkut aalajangersaaffigineqarnerat misissorpavut. Saniatigut misiligutinik tiguisarluta taarsigassarsisitsinermi uppersaasat pigineqartut pissarsialugillu misissuiffigaavut.

### **5.3.8. Pissarsiasat allat, 1.384 mio.kr.**

Namminersortitut Oqartussat nammineq maleruaqqusai suleriaasillu atortitai malillugit, pissarsiasat qaammatinik arfinilinnit pisoqaanerusut nalikillinerneqartaasapput Akileraartarnermut Aqutsisoqarfiullu akiliisitsiniartarfianut tunniunneqartassaallutik, taamalu naatsorsuusiormut ilitsersuummi malittarisassat malillugit akiliutit akiliisitsiniartarfimmut tuttassaallutik.

Akiitsullit qituisoqarfimmit isumagineqartut misissuiffigineqarnerannik kukkunersiunitsinni paasivarput, akiitsut arlallit qaammatit arfinillit qaangerlugit pisoqaavallaartut, taamaakkaluortoq akiliisitsiniarnermik ingerlatsiffigineqarsimanngitsut aamma nalikilliliivigineqarsimanngitsut suliffeqarfimmi malittarisassat naapertorlugit taamaattussaagaluit.

Aningaasat nalingi nalikilliliivigineqarsimanngikkaangata immikkoortortani ataasiakkaani aningaasaliissutaasimasut eqquutinniarni ajornarsinnaasarpog naapertuutinnigsumik nikingasoormik kinguneqartarmat, soorlu akiliisitsiniartarnermi nuussinerit amigaataagaangata akiligassat suliarineqanngitsoornerat pisinnaavoq taamaattumillu taakku pisoqaavallaalersinnaallutik.

Innersuussutigissavarput akiliisitsiniarnermi nuussinernut malittarisassat malinneqaqqullugit.

### **5.3.9. Pigisat il.il., 3.055 mio. kr.**

Pigineqatigiissutit Namminersortitut Oqartussani naatsorsuuserinermi periutsit naapertorlugit pisinerneranni akiat tunngavigalugu naatsorsorneqarsimapput.

Tamanna kukkunersiunerit atasumik nakkutilliffigaarput oqaaseqaasiornissamullu tunngavissiingilaq.

## **5.3.10. Akiitsut piffissaq sivikitsaq akilersugassat, 1.568 mio.kr.**

### **5.3.10.1. Akiligassaqarfiit**

2017-imi ukiumoortumik nalunaarusiamik saqqummiussinnermut atatillugu kukkunersiuinermi paasivarput akiligassaqarfiit pillugut naligiissaarineq pisariaqartoq ingerlanneqarsimanngitsaq.

Suliassaqarfimmik ingerlatsineq ukiup ingerlanerani nukittorsarneqarsimavoq, taamaattoq uagut ukiup ingerlanerani kukkunersiuinermik ingerlatsisarnitsinni kiisalu naatsorsuutit ukiumut naammasi-neqarneranni takuneqarsinnaavoq, naligiissaarinerit kissaatigineqartutut ingerlanneqartanngitsut, taamatullu naligiissaarinerimik ingerlatsiffiusut amerlavallaat sulianik ammaannartunik ilaqartut, tassa akiligassaqarfigisanut illugiilluni pisassaqaqatigiissutit naligiissaarneqarnerannik suliap ingerla-teqqinneqarnissaa pisariaqarluni.

Kukkunersiuinermut atatillugu aamma paasivarput inissitsikkat arlalialuit pisoqalisut ammaannartut, suli naliliiffigineqarsimanngitsut.

Uagut paasinnittaaserput naapertorlugu, aallaaviatigut immikkoortortat ataasiakkaat inissitsikkat akisussaaffigaat taamaattut aaqqiissuteqarfigineqartarnissaat, taamannalli pisoqartanngitsaq, aamma taanna qitiusoqarfimmit iliuuseqarfigineqartanngitsaq.

Uningasuutimik tigoriaannarnik kukkunersiuinermut atatillugu paasivarput aningaasanik ammaannartunik amerlasoorsuarnik imalinnik akiitsoqarfigisat ataasiakkaat ataanni kontonut inississorneqartussaagaluanik peqartoq. Taamaattoqarnera pisiniartarfinnut akiitsut amerlassuserpiaannik qularnermik nassataqartarpoq aamma avataani kontot nalunaarsorneqarnerisa naligiissaarneqarnerat suli ajornarnerulersinneqarluni.

Innersuutigaarput akiitsoqarfigisanut naligiissaarinerimik suliaq – aamma immaqa illugiilluni pisassaqaqatigiissutit ammaannartut qulaajarneqarnerat – siunissami suli sukateriffigineqarneroqqullugu - pisiniarfigineqarnerit 10 qaammatikkuutaartumik naligiissaarinerimik ingerlatsiffigineqarnerisigut, kiisalu naligiissaarinerit nakkutilliffigineqarnerannik ingerlatsisoqartaqqullugu.

### **5.3.10.2. Isertitanik aamma aningaasartuutimik piffissalersuineq**

Siusinnerusukkut oqaatigineqartutut Namminersorlutik Oqartussat naatsorsuutimut najoqqutaat malillugit isertitat aningaasartuutillu ukiumut pineqartumut tunngatinneqartussaapput, taamaliornissamut piginnaatitaaffeqaraanni - ukiumut akiliiffiusumut inissinnagit.

Piffissalersuineq aningaasaliissutit naatsorsuutaannut toqqaannartumik sunniuteqarpoq, piffissalersuineq kukkusooq aningaasaliissutit eqquutsinneqarnerannik eqquutsinneqannginnerannilluunniit kukkusumik takussutissiisnaammat.

Periodiseringen har direkte indflydelse på bevillingsregnskabet, idet en forkert periodisering kan give et forkert billede af, hvorvidt bevillingerne er overholdt eller ikke.

Uagut paasinnittaaserput naapertorlugu naatsorsuutini inissitsikkat uppernarsarnerat immikkut erseqqissaatinik nassuiaatinillu amigaateqarpoq. Taamaattumik immikkut erseqqissaatinik taamaattunik suliaqartariaqarsimavugut.

### **5.3.10.3. Inississukkat akissarsianik akiitsunut tunngasut**

Tassaapput Akileraarutit A-ni akiligassaannerusut sulinngiffeqarnerisutissatullu akiligassat. Taakkua immikkut erseqqissaasarneqarsinnaasut nakkutilliffigaarput. Tassani paasivarput uningasuutit pisoqalisut arlaqartut ikileriarsimasut suuneri paasinigassaallutik.

### **5.3.11. Sivisuumik aningaasaliissutissanut Aningaasaateqarfik 634 mio. kr.**

Missingersuusiortarnermut inatsisip atulersinneqarneratigut piffissami sivisuumik aningaasaliissutissanut naatsorsuuserinerup teknikkitaanut aningaasaateqarfik atulersinneqarpoq.

2016-imi DAU-mi sinneqartoorutit 211 mio.kr.-it Aningaasaateqarfimmut nuunneqarput, ukioq aningaasanut inatsisip atuuffia tulliuttup (2017) naanginnerani taamannak ingerlatsinngitsoortoqarmat.

2017-imi DAU angusat 204 mio. kr.-iupput, taakkua Aningaasaateqarfimmut nuunneqassapput, tamanna 2018-ip naanginnerani aaqqinneqarsimangippat. Tamanna 2019-imi aaqqinneqassaaq.

2018-imi DAU angusat 115 mio. kr.-iupput, taakkua Aningaasaateqarfimmut nuunneqassapput, tamanna 2019-ip naanginnerani aaqqinneqarsimangippat. Tamanna 2020-mi aaqqinneqassaaq.

Taakkua saniatigut Danmarkimi soraarnerussutisiassanik katersivinnit nuussinernit akileraarutitigut qaavisigut iluanaarutit 423 mio.kr.-it Aningaasaateqarfimmut nuunneqarput.

### **5.3.12. Sanaartornermut iluarsartuussinermullu aningaasaateqarfik, 1.345 mio.kr.**

Kukkunersiuinermut atasumik sanaartukkatut suliniutinit misissugassanik tiguisarluta nakkutillivugut.

Tassunga tunngatillugu paasivarput, suliniutini ataasiakkaani pisuni tamaginni ingerlaavartumik missingersuutit aamma aningaasaqarnermik malitseqartitsisoqartanngitsoq.

Assersuutissaqarpoq suliniutini naammassineqareersimasuni aningaasaliissutit sinneruttut angusat naatsorsorneqarneranni aningaasaliissutit kontuinut utertinneqarneq ajortut. Tamanna siusinnerusukkat paasineqarsimassagaluarpoq aaqqinneqarlunilu, suliniutit naammattumik malitseqartinneqarnerannik ingerlatsisoqartartuuppat.

Taamatuttaaq kukkunersuinermi paasineqarpoq, atukkiussatut aningaasaliissutit arlallit kukkusumik akiligassatut allaqqasut.

Pissutsit taakkua marluk ukiumut naatsorsuutit naammassivinneqarneranni aaqqinneqarput.

Ilanngullugu Sanaartornermut Iluarsartuussinermullu Aningaasaateqarfiup 2017-imi nalunaarusiari-neqarnera pissarsiaraarput misissorlugulu.

### **5.3.13. Oqimaaqatigiisitsinermi, 6.119 mio.kr.**

Ukiumi angusanut oqimaaqatigiisitsinermi konto kiisalu taarsigassarsitsinerit nalinginik iluarsinerit, taarsigassarsiat erniaqanngitsut akilersugassaannngitsullu il.il. allanngortinnerannut tunngasut.

Ukiumi kukkunersuinit sinnermi paasivarput, nalinik iluarsinerit 7 mio.kr.-inik nalillit iluarsiiqqineqarsimasut, tassaasut taarsigassarsitsinerinik aaqqiinerit INI A/S-imit suliarineqartartut.

Taakkua saniatigut Illuut A/S-imut erniaqanngitsumik akilersugassaannngitsunillu taarsigassarsinerit naatsorsuutit teknikkitaanni 158 mio.kr.-it (aningaasartuutit) aaqqiinermik ingerlatsisoqarpoq.

Taamatuttaaq Piffissami Ungasissumi aningaasaliissutit Aningaasaateqarfiannut tassunga malittarissat atuuttut naapertorlugit 211 mio.kr.-inik nuussisoqarpoq.

Tassunga tunngatillugu paasivarput oqimaaqatigiissitsinermut kontomi inissitsiterineq pillugu politikimik aamma akuersissuteqartarnermik ingerlatseriaatsimik sulii aalajangersaasoqarsimangitsaq.

Periussissat erseqqissut suliarineqartariaqarput, inissitsikkat qaqugukkut nammineq aningaasaatinut inissinneqartarnissaat pillugit (aningaasaliissutit aallaavigalugit ingerlatsineq aqqutiginaq) – kiisalu inissitsikkat taamatut ittut akuersissutigineqartarnissaat pillugu (immikkut akuersisitsinermik ingerlatsineq pillugu).

### **5.3.14. Pisussaaffinngorsinnaasut pisussaaffiillu**

Naatsorsuutini qupperneq 78-imi Namminersorlutik Oqartussanut pisussaaffinngorsinnaasut allattorneqarsimapput. Paasissutissat pissarsiagut maillugit pisussaaffinnut pineqartunut qitiusumik nalunaarsuiffeqanngilaq, paasissutissallu pitsassutsimikkut qulakkeerneqarneq ajorlutik.

Isuqaqarput pisussaaffinngorsinnaasunik allatuinissaq pingaaruteqarsinnaasoq. Tamakku asersuutigalugu tassaasinnaapput taarsigassarsisitsinerit ernialersugaanngitsut naafferartumillu akilersugassaanngitsut pillugit paasissutissat, naatsorsuutini 0 kr.-mik naleqartut tagginneqarsimasut, pisunili aalajangersimasuni sulii Namminersorlutik Oqartussanit isertitaqartitsissutaasinnaasut.

## **5.4. Avataanit aningaasaliissutit**

Suliasaqarfinni arlalinni isertitat avataanit suleqatinit pissarsiarineqartarput. Isertitat taakkua siunertanut aalajangersimasunut atorneqartussaapput. Tassaasinnaapput Aatsitassaqaqarnermik suliasaqarfinni oqartussaaffeqartutut sulianit isertitat aamma ilisimatusarnermik suliasaqarfinni suliniutit avataanit aningaasalersorneqartut.

Isertitat aamma aningaasartuutit taakkua kontot inerneqareersut atorlugit ingerlanneqarput aamma taamaattumik immikkoortortat ingerlatsinermi kontoannut toqqaannartumik sunniuteqartatik.

Taamaattumik kontoni taakkunani nikinnerit Namminersorlutik Oqartussat naatsorsuutaanni ersigatik.

Taamaattumik sulii innersuussutigaarput, sammisat taakkua pillugit Namminersorlutik Oqartussat naatsorsuutaanni immikkoortunik allakkiqaqassasoq, taamaaliornikkut naatsorsuutini atuartumit erseqqissumik takuneqarsinnaaqullugu sammisat taakkua Namminersorlutik Oqartussat ukiumut naatsorsuutaanut qanoq sunniuteqarnerisut.

## **5.5. Namminersorlutik Oqartussat, suliffeqarfiit namminersortitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit naligiissaarneqarnerat**

Kukkunersiunerit atavillugu Namminersorlutik Oqartussat, suliffeqarfiit namminersortitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit aamma pissaqaqatigiissutit (pissaqaqatigiissutit, pissat aamma akiitsut) akornanni naligiissaarnermik ingerlatsisoqarniaraluarpoq

Naligiissaarinermi taamaattumi Namminersorlutik Oqartussat nammineq naatsorsuutaanik upper-narsaaneq aamma isertitat aningaasartuutillu piffissalersorneqarnerat nukittorsarneqassagaluarput.

Tassani naligiissaarinerit ataasiakkaat taamaallaat pissarsiarineqarsinnaasimapput.

Paarlattuanik ajornakusoorpoq immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissaarinermik ingerlatsifigineqarsimasumik nassaassalluni. Assingusumik ajornakusoorpoq immikkoortumi pissaqartup immikkoortup illuani akiitsulimmut naligiissaarneqarnerannik nassaassalluni.

Assersuutigalugu, Nukissiorfiit Namminersorlutik Oqartussanut sarfamut, imermut kiassarnermullu akiligassiissutai aamma Namminersorlutik Oqartussanit aningaasartuutaasup assingunersoq naligiissaarinermik ingerlatsiffiusimaneranut

Tamanna aamma Tele Greenland A/S-ip Namminersorlutik Oqartussanut akiligassiissutaanut atuuppoq.

Soorlutaaq Namminersorlutik Oqartussat kommuninut aamma kommunit isertitaannut tapiissutitut utertissutaannut aningaasartuutaasunut atuuppoq.

Tamanna qularnanngitsumik ikiorserneqassaaq Namminersorlutik Oqartussat aamma kommunit pisortatut ataatsimoorlutik kontonut pilersaarutaat nutaaq eqqunneqarpat.

Innersuussutigiumavarput, ingerlatseriaatsinik aaqqissuussinernillu pilersitsisoqaqqullugu taamatut naligiissaarinermik tapertaasussanik, tassunga ilanngullugit suleqatigisanit isertitat/aningaasartuutit soorlutaaq pissat/akiitsullu pillugit uppernarsaatinik pissarsiniartoqartassasoq.

# 6. Inatsisit atortinneqarnerannik kukkunersiuineq

Inatsisit atortinneqarnerannik kukkunersiuinerup imaraa paasiniassallugu Namminersorlutik Oqartussat inatsisit, malittarisassat, najoqqutassat, politikikkut aalajangiussat aamma isumaqatigiisutaasimasut naapertorlugit ingerlatsinersoq.

Kukkunersiuineq ingerlanneqarpoq misissugassanik tiguisarluni aarlerinaataasinnaasunik pingaarutilinnillu naliliineq. Kukkunersiuinermit suliaasaqarfii/sammisat tamavimmik ukiut tamaasa misissuiffigineqarneq ajorput..

Pisortat Naatsorsuutaannik Kukkunersiuinermit Ileqqorissaarnissaq aallaavigalugu ileqqussaq nr. 6, inatsisit atortinneqarnerannik kukkunersiuinermit, uagut kukkunersiuisutut ingerlaavartumik inatsisit atortinneqarnerannik kukkunersiuinermit sammisat naapertuuttut inississavagut. Ileqqussami sammisat assigiinngitsut aalajangersarneqarput, naapertuutsillugit ingerlateqqinneqartariaqartut:

- Pisiniarnermik ingerlatsineq
- Akissarsianut aamma atorfeqartitsinermit inatsisinik eqquutsitsineq
- Tunisaqarnermik ingerlatsineq
- Oqartussaaffeqartut akitsuutininik akiliisitsiniaanerat
- Tapiissutinik il.il. tunniussinissamut aalajangiinerit
- Pisinnaatitaaffittut aalajangersakkat tunngavigalugit nuussinerit

Inatsisit atortinneqarnerannik ingerlaavartumik kukkunersiuinermit allaffissornermit inatsisit malittarisassallu eqquutsinneqarnerat pingaarnertut suliarineqartarpoq.

Qulaani taaneqartut saniatigut ingerlatsinermit inatsisit aamma malittarisassat suliaasaqarfinnullu aalajangersimasunut inatsisit malittarisassallu eqquutsinneqarnerat kukkunersiorneqartarput. Tamannali annermik pisarpoq misissuinermit anginermit ingerlatsinermit atatillugu (tak. imm. 8).

## 6.1. Nakkutilliinermit suliaasaqarfik

Nakkutilliinermit suliaasaqarfimmi ingerlatsiffigineqartartut tassaapput suliffeqarfik, ingerlatseriaatsit, piginnaassutsit aamma atortut ikiorsiissutit, Namminersorlutik Oqartussat inatsisinik, malittarisassanik, najoqqutassanik, politikikkut aalajangiussanik aamma isumaqatigiissutinik atuuttunik taamatullu nunat tamalaat akornanni isumaqatigiissutinik sulinermit ingerlaavartumik eqquutsitsinerannik qulakkerinninniarnermi.

Nakkutilliinermit suliaasaqarfiup misissorneqarnera Namminersorlutik Oqartussanit eqqarsaatigineqqaqullugu siunnersuutininik imaattunik kinguneqarpoq:



- Ileqqorissaarnermi malitassanik suliaqarneq
- Inatsisit allattorsimaffiisa katersat pitsanngorsarneqarnerat, tassunga ilanngullugu assersuutitut katersat, aalajangiussinermik ingerlatsinerit, naammagittaaliutit aamma suliamik ingerlatitseqqinnerit inernerat il.il.
- Sullissisunut pinngitsoorani qarasaasiat aqutugalugit ilinniarnernik atulersitsineq
- Inatsisilerinermut immikkoortortamut saaffiginnittussaataaerneramik eqqussineq, inatsisit paasineqarnissaannut, aallartitat pisinnaatitaaffiit aamma aalajangiisinnaanermut pisinnaatitaaffiit pillugit suliani qulartoqartillugu
  - Suliamik ingerlatsinerup naammassinerani suliffimmi namminerimi nakkutillinerup atulersineqarnera (suliamut aqutsisup nakkutillinera)

Tassunga tunngasuni 2016-imi Kukkuersiuisut oqaaseqaataannut akissuteqaatinut atatillugu Naalakkersuisut isummiussatik eqqarsaatersuutitillu allaaseraat.

Taakkununga akissuteqaatit maluginiarpagut aamma akissuteqaatit siunissami sulinitinni ilanngutissavagut.

Ataaniittoq aamma immikkoortoq 8 misissuineranut anginernut tunngasoq innersuussutigineqarpoq.

## **6.2. Aningaasaliissutinik nakkutillineq – atukkat paarlattanik aningaasaliissutit, nuussinerni malittarisassat il.il.**

Ifølge Regnskabshåndbogen sektion 7.3. er reglerne nu ændret således, at der alene skal afgives regnskabsmæssige forklaringer, når det totale forbrug afviger med mere end 2 pct. eller 1 mio. kr. i forhold til den givne bevilling. Naatsorsuuserinermi najoqqutassami immikkoortoq 7.3 naapertorlugu malittarisassat maanna ima allanngortinneqarput, naatsorsuutit nassuiaaserneqassasut aningaasaliissutaasunit atorneqarsimasut 2 pct.-imik imaluunniit 1 mio. kr.-it sinnerlugit nikingassuteqarpata.

Naalakkersuisoqarfiup nalunaarutigisussaavaa nikingassutaasut sulianut ingerlanneqarsimasunut naleqqiullugit sumik pissuteqarnersut – sunalu pissutigalugu nikingassutaasunut aningaasaliissutisani matussutaasussanik pissarsiniartoqarsimannginnersoq.

Nikingassutaasunut nassuiaatit misissorpavut, Nunap Karsiata ukiumut naatsorsuutaanni ilanngusani takuneqarsinnaapput.

Nalilivugut nikingassutinut nassuiaatit nakussassarniarlugit sulisoqartoq, tamannalu qularnanngitsumik ima isigineqartariaqarunarluni, ukiup ingerlanerani missingersuutinik malitseqartitsilluni ataavartumik sulinerup nukinnik atuiffigineqarneruneranik suliniartoqarneratut.

Naatsorsuutinulli nassuiaatit peqqissaarunneqaneri pissutaasunillu allaaserisaqartarneq nikerarput – tassunga ilanngullugit nikingassutit suliassanik allanngortitsisimanernik pissuteqarnersut erseqqinnerusariaqarlutik.

Nikingassutinut atorfiit inuttaleruminaatsinneqarsimaneri pissutaappata, isumarput malillugu tamanna suliassaqarfiup iluani naammassinninniarnermut qanoq kinguneqarsimanersoq allaaserineqartariaqarpoq

Nikingassutinut nassuiaatini amerlanngitsuinnarnit taaneqarpoq suna pissutigalugu nikingassutit matussusearniarlugit aningaasaliissutinik pissarsiniarnerup pisinnaasimannginera.

### **6.3. Pisiniarnernik ingerlatsinerit**

Pisiniartarneq pillugu malittarisassat ilaatigut Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersumi ilaatigullu kaajallaasitami 24.10.2010-meersumi Namminersorlutik Oqartussat qitiusumik allaffeqarfiata taassumallu ataani suliffeqarfinni nioqqutissanik kiffartuussinernillu pisiniartarneq pillugu malitassat allassimapput.

Taakkua saniatigut Namminersorlutik Oqartussani nioqqutissanik kiffartuussinernillu pisiniarneq pillugu isumaqatigiissutinik tunniussineq pillugu kaajallaassitaq atuuppoq.

Neqeroortitsisarneq pillugu inatsisissatut siunnersuut tusarniaassutigineqarluni nassiunneqarsimavoq taannali sulii naammassinngilaq.

Nalilerneqarpoq, pingaartumik nioqqutissanik kiffartuussinernillu pisiniarneq pillugu isumaqatigiissutinik tunniussineq pillugu kaajallaassitap eqquutinneqarnissaa ajornartorsiutaqarsinnaasoq, taamaaliornikkut pisiniartarnermik pitsaasumik suliniarneq nukilaallisarneqarsinnaasoq.

### **6.4. Akissarsianik aamma atorfinitsitsinerimi inatsisunik aalajangersaaneq**

Akissarsialerinerimik ingerlatsissummit akissarsianik qaammammusianik suliat toqqakkat arlallit namminersorlutik oqartussani ingerlatsivinni assigiinngitsuneersut misissorpavut.

Inunnut toqqakkanut akissarsiatut, tapitut, ullormusiassatut aamma aaqqiissutitut tunniussat misissuqqissaarnerannik ingerlatsivugut aamma akissarsialeriffiup uppersaataannut assersuussinerimik ingerlatsilluta, aamma nakkutillinerimik atorfinitsitsinerimik soorlu akissarsiat pillugit isumaqatigiissutit, akissarsiasat nalunaarsuiffiat kiisalu kaajallaasitani allassimasut aalajangiussanut il.il. ataasiakkaanut tunngasut tamaasa ilanngullugit.

Misissugassanik tiguisarluta paasiniaanitsinni kukkunernik malunnaatilinnik takusaqanngilagut.

Taamaattoq paasivarput atorfinitsitsinerimik isumaqatigiissutit arlallit atsiugassaallutik utertinneqartussat utertinneqarsimanngitsut.

Inatsisit naapertorlugit atorfinitsitsinerimik isumaqatigiissutit atsiukkat tamatigut pigineqartussaapput, taamaammatt innersuussutigissavarput tamanna malitseqartinneqassasoq.

### **6.5. Tunisinerit**

Suliffaqarfinnut arlalinnut tunngatillugu Namminersorlutik Oqartussat suliffeqarfiutaat avataani suleqatigisanut kiffartuussinernik tunisaqartarput. Kiffartuussinerit tunisat nalinginnaasumik tassaa-pput sulianut pioreersunut atuumassuteqartut.

Suliffeqarfik isertitanit matussuserneqartartunik taaguusersuineq (matumani allaaserisani allani takuneqartartoq) piffissami matumani Namminersorlutik Oqartussani atuutinngilaq – taamaattumik sammisanut taakkununga malittarisassat sorliit atuunnersut erseqqinnani.

Taamaattumik aamma erseqqinngilaq, suliat sorliit "suliffeqarfiit isertitanit matussuserneqartartut" ingerlanneqartarnerisut – aamma kiffartuussinerit taakkua akiisa qanoq inissinneqartassanerit – taakkununga ilanngullugit kiffartuussinerup matussuserneqartassanera.

Sulianut taakkununga aamma angusassatut piumasaqaatit pillugit malittarisassat amigaataapput. Ilimagineqarpoq sammisat taamaattut amigartoorutaasassanngitsut. Ingerlatsiviit isertitanik matussuserneqartartut amigartooruteqassappata, taakkua taamaallaat ingerlatsinerimik aningaasaliissutinik aningaasalersorneqassapput. Tassunga piumasaqaataavoq aningaasaliissutitigit inertequtaannginnerata isummerfigineqartariaqarnera.

Taamaattumik innersuussutigiumavarput, ingerlatsiviit isertitanit matususerneqartartut najoqqutassaannik suliaqartoqaqqullugu, akunnermut akinik naatsorsuisoqarnissaanut piumasaqaatit ilanngullugit kiisalu allaffissornermi qulequtassaq (allaffissornermit ilanngussaq), angusassatut piumasaqaatinut aalajangersaanerit kiisalu sinneqartoorutaasinnaasut atornissaannut aalajangersaanerit.

## **6.6. Oqartussaaffeqartut akiitsuutinik akiliuteqaqqusissutaat**

Nalilerneqanngilaq Namminersorlutik Oqartussat akitsuutinik akiliuteqaqqusissutaat pingaaruteqarnersoq.

## **6.7. Tapiissutinik il.il. tunniussinermut aalajangiinerit**

Tapiissutit tunniunneqartarput Aningaasanut Inatsit aqqutigalugu aalajangiinertigut, aallaaviatigut tapiissutinik pissarsinissamut killissarititaasut/piumasaqaatit erseqqissakkat tunngavigalugit.

## **6.8. Pisinnaatitsissunik tunniussinermi aalajangiinerit**

Suliassaqarfinni arlalinni ingerlatsiviit pisinnaatitsissutinik tunineqartarput pinngortitap aamma nunap sananeqaataanik atuisinnaanermut tunngasunik, taakkununga ilanngullugit piniarsinnaanermut aalisarsinnaanermullu allagartat kiisalu uuliamik, gassimik, mineralinik sananeqaatinillu allanik misissuisinnaanermut piasinnaanermullu pisinnaatitsissutit.

Qinnuteqaatinik aamma pisinnaatitsissutinik passussineq pisortat suliffeqarfiutaanni suliamik ingerlatsinermut inatsisinik kiisalu suliassaqarfinnik immikkuullarissuni malittarisassanik imaqarpoq. Kingullertut taaneqartoq suliassaqarfinni ataasiakkaani inatsisini imaluunniit allaffissornermi tunngavisani allassimasarput.

Amerlanertigut inatsisinik malittarisassanillu atuutsitsineq misissuineramik angineramik pisariaqartitsisarpoq – aamma siornatigut assersuutigalugu avaleraasartuunik pisassiissutinik agguaassineq misissuiffiginikuarput. Taanna pillugu nalunaarusiornermi innersuussutit arlallit ilanngunneqarput, pisassiineramik ingerlatsinerup ersarinnerulernissaanut tunngasut, taamatullu aalajangiussanik allannermi eqqortumik piffissaagallartillugulu suliaqarnissami pillorissaarnissaq.

Ofte vil undersøgelser af overholdelsen af love og regler kræve en større undersøgelse – og vi har tidligere undersøgt eksempelvis tildelingen af kvoter til makrelfiskeri. Afrapporteringen herom indeholdte en række anbefalinger til styrkelse af gennemsigtigheden i tildelingsprocessen, samt i forhold til inødegåelse af inhabiltet samt korrekt og rettidig afgørelsesskrivelser.

Maluginiarparput suliassaqarfimmi ukiuni tulluuttuni pisassiissutinik tunniussinermi innersuussutitta ilaat malinneqarsimanerat.

## **6.9. Nuussinert pisinnaatitsissutini aalajangersaaffigineqarsimasut**

Namminersorlutik Oqartussat nammineerluni nuussinernik pisinnaatitsissutini aalajangersaaffigineqarsimasunik inunnut ataasiakkaanut ingerlatsineq ajorpoq, tassunga sulliamik ingerlatsineq kommuninut suliaasiissutigineqarsimammat.

Kommunit tassunga aningaasartuutigisaat Namminersorlutik Oqartussanit tamakkiisumik ilaannakortumilluunniit utertinneqartarpoq.

Piumasaqaataavoq, kommunit kukkunersuiusui sulliamik kukkunersuiuineramik ingerlatsissasut aamma taakkua pillugit immikkut ittunik kukkunersuiusutut oqaaseqaasiortassasut.

Kommunit piumasaqaatinik naammassinnerannik nakkutilliinikkut akiliutaagallartunik utertitsisarnermik sulliamik tigusinissaannut tunngasoq, Isumaginninnermut Inatsisinillu atuutitsinnermut Naalakkersuisoqarfiup ataani inissisimavoq, utertitassanik akiliuteqarnermik suliaq Aningaasaqarnermut Sulisoqarnermullu Aqutsivimmit suliarineqartarpoq.

Apeqqutigaarput Nakkutilliinermik suliaasaqarfik kukkunersuiuineq pillugu kukkunersuiusut nalunaaruutaannik misissuisarnersoq, taamaattoqanngilarli.

Taamaattoq oqaloqatigiinnermik ingerlasoqarpoq suliaasaqarfimmi sulliamik aamma aningaasaqarnermik akuleriimmik nakkutilliisoqartarnissaanik pitsaaneruseqarpoq pilersitsinissaq siunertaralugu.

## **6.10. Namminersorlutik Oqartussat aamma Naalakkersuisunut ilaasortat akornanni pisassaqaqatigiissutit**

Ukiuumut naatsorsuutit naammassineqarneranni suatsinni Inatsisartunut ilaasortat aamma Namminersorlutik Oqartussat akornanni ulloq 31/12-2018 pisassaqaqatigiissuteqarsinnaasimanera misissorparput.

Misissuinerami ilanngunneqanngillat ilaasortat inuussutissarsiornerannut imaluunniit inuinnartut Namminersorlutik Oqartussanik pisassaqaqatigiissutigisinnaasaat.

Misissuineq oqaaseqaasiornissamut pissutissiingilaq.

## 7. Ingerlatsinermik kukkунersiuineq

Ingerlatsinermik kukkунersiuinermi misissorneqarput, Namminersorlutik Oqartussani aningaasat atugassiisutigineqartut iluanni atorluaalluni qanoq suliamik ingerlatsisoqartarnera, taamaaliornikut innuttaasunut sullissineq pitsaanerpaaq suliniutikinnerpaajulluni (nukissanik atuneq) ingerlanneqarnera paasiniarlugu.

Misissuinermi sipaarsinnaassuseq, pilersitsisinnaassuseq aamma pitsaassuseq ilanngunneqarput.

Kukkунersiuineq ingerlanneqarpoq misissugassanik tiguisarluni aarlerinaataasinnaasunik pingaarutilittullu isigisanik naliiinikkut. Tassa kukkунersiuinermi suliassaqarfii/sammisat ataasiakkaat tamarmik ukiut tamaasa ilanngunneqarneq ajorput.

Pisortat Naatsorsuutaannik Kukкунersiuinermi lleqqorissaarnissaq aallaavigalugu ileqqussaq nr. 7 naapertorlugu, uagut kukkунersiuisutut ingerlaavartumik inatsisit atortinneqarnerannik kukkунersiuinermi sammisat naapertuuttut inississavagut. lleqqussami sammisat assigiinngitsut aalajangersarneqarput, naapertuutsillugit ingerlateqqinneqartariaqartut:

- Sulianik aamma nukissanik aqutsineq
- Anguniagassanik angusanillu aqutsineq
- Pisortatigoortumik pisiniarnernik aqutsineq
- Ukiuni arlalinni aningaasaliissutitut suliniutit missingersuutaannik aqutsineq
- Pisortat tapiissuteqartarnerattut aqqissuussanik aqutsineq.

### 7.1. Nakkutilliinermik suliassaqarfik

Nakkutilliinermi suliassaqarfimmi sammineqarput aqutsinermik iluseq, aarlerinaatinik aqutsineq aamma aningaasaqarnermik aqutsineq. Immikkuualuttut ataatsimoorlutik sipaarsinnaassuseq, pilersitsisinnaaneq aamma pitsaassuseq aallaavigalugu politikikkut aalajangiussanik nakkutilliisut.

Nakkutilliinermik suliassaqarfiup misissorneqarnerani Namminersorlutik Oqartussanit eqqaasaa-tersuutigineqaaqullugit makkua siunnersuutigineqarput:

- Missingersuutininik aqutsinerup nukittorsarneqarnera aningaasaliissutit qaammatinut aamma aningaasaqarnermi kontonut agguataanerattut aqutugalugu
- Qaammatikkuutaartumik missingersuutit malitseqartinneqarnerannik eqqussineq
- Suliniutit anguniakkallu pillugit attaveqatigiinnerup nukittorsarneqarnera suliffeqarfiup iluani isumaqatigiissutinik aqutsinermik annerusumik atorneq aqutugalugu
- Suliniutinut aningaasaliissutit aqunneqarnerannut nukittorsaaneq, taakkununga nammineq piffissamik atuinermut uuttuinerit aamma nalunaarsuinerit atorneqarnerisigut

- Tapiissutitut aningaasaliissutit atorneqarnerannut naliliinerit nukittorsarneqarnerat
- Avataanit pisiniartarfinit pisiniarnermi malittarisassanik sukaterinermik eqqussineq
- Aqutsisut paasissutissiinerisa nukittorsarneqarnerannut paasissutissatut tunngaviit pitsanngorsarnerat
- Ungasinnerusumut suliat aamma nukissat aqunneqarnerannik pitsanngorsaaneermik taamatullu anguniagassanut angusanullu aqutsinermik suliat nanginneqarnerat
- 2016-imi Kukkuersiuisut nalunaarutaannut Naalakkersuisut isummiussatik eqqarsaatersuutiillu akissuteqaatitut allaaseraat

Taakkununga akissuteqaatit maluginiarpavut aamma siunissami suliamik ingerlatsinitsinni akissuteqaatit taakkua ilanngutissavagut.

Immikkoortoq tulliuttoq immikkoortorlu 8 aamma misissuinerit anginerit innersuussutigineqarput.

Ilanngullugit maluginiarpagut aningaasaqarnermik aqutsinermi ineriartorneq pillugu nassuiaatit, taakku Politikkimik-Aningaasaqarnermillu Nalunaarusiami takuneqarsinnaapput.

## 7.2. EU-p innersuussutaanik malitseqartitsineq

EU Kommisioni Kalaallit Nunaannut piffissami 2014-2020 tapiissuteqarpoq.

Taamaattumik 2014-imi Namminersorlutik Oqartussani kingumut isiginiarneqaqqipput:

- Nunap aningaasaqarnerani tamakkiisumi sinaakkutit
- Aningaasaqarnermik aqutsineq (Public Financial Management)
- Missingersuutit ersarissuunerat aamma tamakkiisuunerat (Transparency and oversight of the budget)

Nalunaarutiginninnermi suliniutit arlallit innersuussutigineqarput – taakkununga ilanngullugit aningaasaqarnermik aqutsineq.

Suliaq pillugu ukiumut naliliinermik nalunaarusiaq suliarineqartarpoq, innersuussutit saqqummiunneqartut naapigiarniarlugit.

Nalunaarusiaq tunniunneqartoq kingulleq 2018-imi ukiumut naatsorsuutit kukkuersiorneqarnerannut atatillugu misissorparput.

## 7.3. Namminersorlutik Oqartussat aningaasaqarnermik aqutsinera

### 7.3.1. Sulianik aamma aningaasanik aqutsineq

Namminersorlutik Oqartussat aningaasaqarneranik aqutsinermik ineriartortitsineq Aningaasaqarnermut Naalakkersuisoqarfimmi inissisimavoq aamma tassunga ilanngullugu Aningaasaqarnermut Sulisoqarnermullu aqutsisoqarfimmi.

Aningaasaqarnermut Naalakkersuisoqarfimmi sulineq pingaarnertut missingersuutitut, missingersuutit aqutsinermik aamma nukissanik atorluaanermut tunngavoq, Aningaasaqarnermut Sulisoqarnermullu aqutsisoqarfimmi suliat pingaarnertut naatsorsuuserinermut, missingersuutit malitseqartitsinermut aamma suliffeqarfimmi nakkutilliinermut (controlling) tunngassuteqarnerupput.

Namminersorlutik Oqartussat aningaasaqarneranik aqutsinermi missingersuutit eqquutsisineq annertuumik sulii suliarineqarpoq – suliniutit aamma angusat ataqatigiinnerat annikinnerusumik.

Taamaattoq suliaq ingerlatsinermik immikkoortortanut tunngatillugu (suliamik ilinniarfiit, ulloq unnuarlu neqeroorutit, napparsimmaviit) siuarsimanagerusut nalilerneqarpoq, aqutsiveqarfinnut aamma naalakkersuisoqarfimmi pissutsinut naleqqiullugu.

Amerlanngitsuinnarnik assersuutissaqarpoq suliassatut isumaqatigiissutit, piginnaassutsinut aamma inuttaqassusissamut piumasaqaatit allaaserineqarnerisa uppersaataatissaqarnerannut kisalu nukissat atorneqarsinnaasut pigineqartut pillugit (suliassanut piffissaq atorneqartussa qoqqaanartoq pigineqartoq). Taamaattumik ataasiakkaaginnarnik assersuutissaqarpoq suliassat aamma nukissanik atuinerup ataqatigiinneranut uppersaatinik.

Qularnangilaq aningaasanik aqutsinerup ineriartortinneranut tassunga aallarnissamut ukiut arlallit atorneqaaqaassasut. Taamatuttaaq paasissutissat tunngavissat maannamit pitsaanerungaartut pisariaqartinneqassapput, tassungalu soorunami aqqissuussamik tapertaasumik soorlu allaffissornermi nukissat amerlanerusut pisariaqartinneqassapput.

## **7.4. Anguniagassanik aamma angusanik aqutsineq**

Inuiaqatigiinnut siunertat sammisamut tassunga aalajangersimasumut aalajangersaanerit aallaaviatigut suliassaqarfimmut inatsisiliorneq tunngavigalugu ingerlanneqartarput.

Anguniagassanik aamma angusanik aqutsinermi pineqarput, anguniagassat taakkua aqutsisunit ulluinnarni qanoq nassuiaaserneqartarnerat, taamaaliornikkut suliffeqarfik angusassanut taakununga piviusunngortitseqqullugu aqunneqarsinnaaqqullugu – aamma anguniagassat inissinneqartut qanoq anguneqarnissaannut malitseqartitsisarnerup issusia.

Suliaq taanna ullumikkut inuit ataasiakkaat iliuseqarnerannit sunnersimaneqarpoq (periuseqarnermik ingerlatsisinnaanerup paarlattuanik). Taassuma nassataanik aqutsisut ataasiakkaat piginaasaat aamma soqutiginninnerat apeqqutaapput.

Qularnangilaq aningaasanik aqutsinerup ineriartortinneranut tassunga aallarnissamut ukiut arlallit atorneqaaqaassasut.

Taamatuttaaq paasissutissat tunngavissat maannamit pitsaanerungaartut pisariaqartinneqassapput, tassungalu soorunami aqqissuussa tapertaasoq soorlu allaffissornermi nukissat amerlanerit pisariaqartinneqarnerat.

Sunniutit nalilernerannik suliaq pingaartumik piginnaasanik ullumikkut suliffeqarfimmi immikkoortuni amerlanerpaani pigineqartunit allaanerusumik piumasaqaatitaqarmat, naliliisoqarpoq piginaangorsaaqqinnermik pilersaarummik ingerlatsinermik annerusumik pisariaqartitsisoqassasoq.

## 7.5. Pisortat pisiniartarnerannik aqutsineq

Aningaasaqarnermut Sulisoqarnermullu Aqutsiveqarfimmi pisiniartarnermut allaffik pilersinneqarpoq. Immikkoortumi pisiniarnermi isumaqatigiissutinik pilersitsisoqarsinnaaneranut periarfissat misissorneqartarput, soorlu immikkoortumit neqeroorutitsinernik ingerlatsinerit ingerlanneqartartut imaluunniit siunnersuusiorfigineqartartut.

Napparsimmaveqarfinnut isumaqatigiissutinik pilersitsisoqarpoq, taakkua nassataannik napparsimmaviit Danmarkimi napparsimmaviit immikkoortuinut pisiniarnermut isumaqatigiissutinik pilersitsipput.

Manna tikillugu atortussanik amerlasuunik peqanngilaq, Namminersorlutik Oqartussat pisiaasa qanoq annertutigisortaat neqerooruteqartitsinernik ingerlatsiffiusinnaanerata (annertussutsit aamma periarfissat) pillugit, taakkunannga qanoq amerlatigisut maannamut isumaqatigiissutinik matussuserneqarsimasut aamma isumaqatigiissutit eqquutsitsinerata qanoq annertutiginersut, tamanna Namminersorlutik Oqartussani pisiniarnermik akisussaasunit ersersinneqartussaavoq.

Taamaattoq Aningaasaqarnermut Sulisoqarnermullu Aqutsiveqarfimmit nalilerneqarpoq, suliassaqarfimmi periarfissarpasut suli atorineqanngitsut piusut.

## 7.6. Ukiuni arlalinni aningaasaliiffigisassatut suliniutit missingersuutaannik aqutsineq

Namminersorlutik Oqartussat ataavartumik aningaasaliiffigisassatut suliniutinik angisuunik ukiuniu arlalinni ingerlanneqartussanik suliartaqarpoq. Taakkua siornatigut Sanaartornermut Iluarsartuussinermullu aningaasaateqarfiup sinaakutissaasa iluanni aqunneqarput.

Sanaartornermut Iluarsartuussinermullu aningaasaateqarfik naatsorsuuserinermi teknikkikkut aningaasaateqarfiuvoq, aningaasaliissutitut akuersissutigineqartut saqqummilaartinneqarnerannut sunniuteqaqataavoq, aningaasat suliniutinut aalajangiiffigineqareersunut suli atorineqanngitsunut.

Siornatigut Sanaartornermut Iluarsartuussinermullu aningaasaateqarfik misissuineramik ingerlatsiffigaarput, tassani inerniliunneqarluni Aningaasaateqarfik sanaartornermik suliniutit siuarsarneqarnerisa saqqummilaartinneqarnerannik sakkussaasoq pitsaasoq.

Aningaasaateqarfimmi aningaasaatit uninngatinneqarnerannut pissutaasut Aningaasaateqarfimmut akuttusuumiinnaq innersuunneqarsinnaasarput – kisianni Aningaasaateqarfiup ajornartorsiutit saqqummersittarpai.

Missingersuutinut inatsisip akuersissutigineratigut Aningaasaateqarfiup atorunnaarsinneqarnissaa aalajangiunneqarpoq. Aningaasanut uninngaannartunut tunngaviit qularnanngitsumik atuutiinnsapput, immaqali Aningaasaateqarfiup atorunnaarsinneqarneratigut taamak saqqumitiginatik.

Aningaasaliinernik ukiunik arlalinnik sivirususilinnik suliqaarneq nukittorsarneqarpoq, suliassaqarfimmut pilersaarutit aamma nuna tamakkerlugu pilersaarusiomerup aaqquussuusaanerusup eqqunneqarnerisigut. Suliniutit aallaaviatigut Aningaasanut Inatsit aqqutigalugu taamaallaat akuersissutigineqartalissapput, suliniut suliassaqarfimmut pilersaarutitik suliqaarnerup iluaniissimappat aamma sanaartugassatut pingaarnersiorneqarsimappat.



Tamatuma kinguneratigut suliniutit aningaasaliiffigineqartut anginerit ingerlanneqarlutik naammas-sineqarnerannut qularnangitsumik nukittorsaataassagunarpoq.

Aningaasaliiffigineqarlutik suliniutit ingerlaavartut naammassineqarnissaannut tapertatut, suliniuti-nut ilutsit assigiinngitsut ineriartortinneqarput, taamaattoq atorineqarnerat assigiinngisitaarlutik.

## **7.7. Pisortat tapiissutaannik aqutsineq**

Allaffissornermik immikkoortortaq annertuumik akisussaatinneqarpoq Namminersorlutik Oqartussat tapiissutiniq aaqqissuussaaniq ingerlatsinermit, tassannga tapiissutit allaffissornerannut periusis-sat aalajangersorneqartarput.

Suliassaqaqarfinni amerlanerpaani qinnuteqaatinik ingerlatseriaatsit, tunniussisarnermi ingerlatseriaat-sit aamma killissarititaasut tamakkiisumik allaaserineqarsimapput, taamatullu malitseqartitsinerit aamma tapiissutiniq pissarsisut nalunaaruteqartarnerannut tunngasut.

Suliassaqaqarfiit ilaanni suliniutigineqarsimavoq tapiissutit kissaatigisatut sunniuteqarnerannik malitta-rinninnissaq, suliarli taanna suli atuutilersinniarneqarnermiippoq.

## 8. Ingerlatsinermik kukkunersemiilluni misissuinerit angisuut

Misissuisitsinerit angisuut Kukkunersemiinermut Ataatsimiititaliamit imaluunniit Naalackersuisunut ilaasortanit aallartinneqartarput.

Misissuinerit angisuut pilersaarusiorneqartarput misissuinerimi sammisassaq aalajangersimasoq aallaavigalugu, taakkunani ilanngunneqartarput aningaasaqarnermut aamma inatsisinut tunngasut.

Sammisassat Kukkunersemiinermut Ataatsimiititaliamit imaluunniit Naalackersuisunut ilaasortanit siunnersuutigineqarsinnaapput, soorlu Deloitte avataanit kukkunersemiisutut nammineq sammisassanik siunnersuuteqarsinnaasartoq.

### 8.1. Misissuinerit anginerit Kukkunersemiinermut Ataatsimiititaliamit inniminnerneqartut

Kukkunersemiinermut Ataatsimiititaliamit 2017-imi misissuineq angineq inniminnerneqarpoq, ilaasunik kiffartuussinermik isumaqatigiissutinik tunniussinermik ingerlatsinermut tunngasoq.

Misissuineq ingerlanneqartoq pillugu nalunaarussiaq 2018-ip aallartinnerani tunniunneqarpoq, aamma naammassineqarsimasutut isigineqarpoq Kukkunersemiinermut Ataatsimiititaliap 2017-imut ukiumut naatsorsuutaanut isumaliutissiissutikkut.

### 8.2. Naalackersuisunut ilaasortamit misissuinerit anginerit inniminnerneqartut

2018-imi misissuinerinik angisuunik immikkoortunik Naalackersuisunut ilaasortanit inniminniisoqarsimangilaq.

# 9. Pisortat ingerlatsiviutaannik namminersortitanik kukkuner-siuineq

Pisortat ingerlatsiviutai namminersortitat tassaapput Namminersorlutik Oqartussat inatsisilerinermut immikkoortortaqaafiata ilaanniittut. Pisortat ingerlatsiviutai namminersortitat ukiumut naatsorsuutaat, Namminersorlutik Oqartussat ukiumut naatsorsuutaasa katinnerannut ilaapput.

Pisortat ingerlatsiviutai namminersortitat tassaapput:

- Inuusutissarsionermik ilinniarfiit
- Ilisimatusarfik

Ingerlatsiviit taakkua nammineq ingerlatsinermut siulersuisoqarput, taakkua ingerlatsinermut naatsorsuutini aamma namminneq saqqummiussisarput, kukkuner-siuineq uppersarsaasernerqartu-nik.

Ingerlatsinermik naatsorsuutit kukkuner-siukkut kukkuner-siuineq nangaassutissaqaratik aamma ilanngussatut paasissutissanik tunniussigatik uppersarsaasernerqarput.

## 9.1. Ilisimatusarfik

Ilisimatusarfiup naatsorsuutaannik kukkuner-siuineq atavittuq ilisimatusarnermik suliniutit avataanit aningaasalersorneqartut naatsorsorneqarneranni unammilligassaqarpoq – aamma taak-kununga ilanngullugit tapiissutini ataasiakkaani sinneruttumik aningaasaliissutit naatsorsornerat.

Ilisimatusarfik 2018-ip ingerlanerani qulaajaanermik suliamik ingerlatsivoq suliassaqaarfik allaffissor-nikkut nukittorsaavigineqarluni – sinneruttumik aningaasaliissutit naatsorsorneqarnerannut tunnga-tillugu, kisianni aamma ilisimatusarnermik suliniutit avataanit aningaasalersorneqartut pillugit anin-gaasaqarneranni uppersarsaasernerqartut tunngassuteqartuni.

# 10. Suliffeqarfiit nammineertitat kukkunersiorneqarnerat

Suliffeqarfiit nammineertitat tassaapput Namminersorlutik Oqartussat inatsisilerinermut immikkoortotaqarfiata ilaanniittut aamma tassaallutik suliffeqarfiit:

- Nukissiorfiit
- Mittarfeqarfiit
- Asiaq

Suliffeqarfiit nammineertitat Namminersorlutik Oqartussat ukiumut naatsorsuutaannut ilaanngillat, namminerisamik ukiumut naatsorsuutininik saqqummiussisarput.

Kukkunersiuusut nangaassuteqarnatik uppersaapput, aamma Nukissiorfiit aamma Asiaq ukiumut naatsorsuutai pillugit ilanngussatut paasisutissanik saqqummiussisoqarpoq

## 10.1. Naatsorsuuserineq pillugu nalunaarut nutaaq

Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 22, 22. december 2017-imeersukkut, ingerlatsivinnut nammineertitanut naatsorsuuserinermi malittarisassat nutaat atulersinneqarput.

Nalunaarutip nassataanik 2018-imi ukiumut naatsorsuutit saqqummiunneqassapput, Kalaallit Nunaanni Ukiumut nalunaarutit pillugit Inatsit atuuttoq naapertorlugu (suliffeqarfinnut namminersortunut), taassuma malitsigisaanik pineqarpat, suliffeqarfik Namminersorlutik Oqartussanit pigineqartoq inuiaqatigiit ingerlanneqarnerat tunngatillugu ingerlanneqartoq, taanna inatsisit immikkut ittut atorlugit aqqissuussiffigineqassaaq.

Nalunaarut atuuppoq ukununga Nukissiorfiit aamma Asiaq, Mittarfeqarfinnut aatsaat atulersinneqassaaq ukiumi naatsorsuuseriffiusumi 2019.

Nalunaarutip nutaap nassataanik Mittarfeqarfinni sanaartukkatut pigisat nalilerneqarnerat allanngortinneqassapput, soorlu nalunaarutikkut sanaartukkanut nutaanut aningaasaliissutit nalinngannut inissiinermut kinguneqassasoq.

## 10.2. Nukissiorfiit

Immikkoortoq tulliuuttoq Nukissiorfiit ukiumut naatsorsuutaanut kukkunersiuusut oqaaseqaataat aamma ilanngunneqarpoq:

"Naatsorsuutit pillugit nalunaarutip nutaap malitsigisaanik, Nukissiorfiit siunissami ukiumut naatsorsuutit saqqummiussissassapput, suliffeqarfinnut namminersortunut ukiumut naatsorsuutit pillugit inatsisit qaqugukkulluunniit atuuttut periuseralugit, namminersortutik oqartussat suliffeqarfiutaat inuiaqatigiit eqqarsaatigalugit ingerlanneqartoq immikkullu inatsisiliormik malittarisassalik pineqarmat, nikingassutit atuuttunik imalimmik ukiumut nalunaarummik saqqummiussissaaq.

Sanaartukkatigut pigisat ilanngunneqassapput pigineqalernerannit pisiarineranni akia piffissakkuutaartumik ullumimut nalikilliarturnerat ilanngullugit – taamaattoq naliusup qaffasinnerpaap assigissavaa pigisat siunissami ilanngaaseereertuni pisiarinerani nalinga (ilanngaaseereertuni isertitanik utertitsineq). Allatut oqaatigalugu, ilanngaaseereertuni isertitat nalikilliliinermik matussusiisinaanngippata, pigisat nalingannik nalikilliliinermik ingerlatsisoqassaaq, ingerlaavartumik nalikillilinerit sinneruttut ilanngaaseereertuni isertitat iluanniittussanngorlugit.

Manna tikillugu Nukissiorfiit annermik ernialersuineramik aamma sanaartukkatigut pigisat pisiarineranni akiisa nalikillineqarnerannik ingerlatsisarsimavoq.

Ulloq januaarip 1.-at 2018, akit assigiissinneqarnerat eqqunneqarpoq – taamaattoq sullitat aalisakanik tunisassortut tassunga ilanngunnagit. Tamanna ingerlanneqarpoq siornatigut aningaasartuutit tunngaveqarluni akigititanik inissiinermik akigitat minnerpaat nalingannik akigitasatut inissiinikkut (taamaattoq akit appasinnerpaaffissaannik qaffasinnerpaaffissaannillu inissiisoqarpoq).

Tamatuma nassataanik Nukissiorfiit isertitaat 153 mio.kr.-it miss. appariaateqarput, taakkuali ilaatigut kiffartuussinermut isumaqatigiisummik akiliuteqarnikkut aamma Namminersortutik Oqartussanit taarsigassarsiat sivisuumik akilersugassat erniaasa appartinneqarnerisigut taarserneqassapput.

Taamaaliormerli isertitat appariaataannik tamakkiisumik matussusiisinaanngillaq. Tassa amigartoorutit pilersitsisoqarpoq taassumalu nassataanik angusat 0-imik inissisimasinnaanerisa iluanni nalikillilinerit anguneqarsinnaajunnaarput. Taamaattumik sanaartukkatigut pigisanik nalikilliliisoqartariaqarpoq.

Nukissiorfinnit nalikilliliinissamut pisariaqartitsineq 1,6 mia. kr.-inut naatsorsorneqarpoq – kiffartuussinermut isumaqatigiisutit aningaasat 72 mio.kr.-it ilanngunneqarnerisa kingoma.

Tamanna sanaartukkani siullertut nalikillissassanut ilaasuni ukiumut nalikillilinerit 113 mio. kr.-it missaannik annikillineqarnissaannik nassataqarpoq, naatsorsuuserinermi nalunaarummut nuukiartuaarnermut atatillugu.

Nalikilliliineq ima paasineqassaaq, pigisat atuuffisa nalaanni suliffeqarfiup sullissineranut 1,6 mia.kr.-inik ikippallaanik akiliuteqaqqusisoqartoq. Aningaasat pigisanik nutaanik aningaasaliisuteqaqqinnermi atorneqartussaagaluartut, pigisat taakkua nungullarneranni.

Nalikilliliineq, naatsorsuuserinermi malittarisassat nutaat nassataanik ingerlatseriaatsimik allannguinermut atatillugu ingerlanneqarmat, nalikilliliineq nammineq aningaasaatini naatsorsuuserinermik ingerlatsiffiqineqassaaq.

Tamatuma aamma nassataanik, pigisat siullertut nalikillineqartussanut ilaasut nalikillineqarnissaanut pisariaqartitsinerat siunissami utertinneqarnerat, nammineq aningaasaatit aqqusaarlugit ingerlassaaq.

*Nalikilliliinermik pisariaqartitsinerup naatsorsoqqinneqarnerani periusissaq suliffeqarfimmit aalajaangiiffigineqarpoq, angusat inernerat kaaviiartitanit +/- 2,5 procentimik qaangiippat, nalikilliliinermut misiliut aallartinneqassaaq.*

*Tassunga naleqqussaanerit suliffeqarfiup ingerlanneqarneranut sunniuteqassapput – nammineq aningaasaatit aqputigalugit nalikilliliinernik utertitsineq pineqarsimangippat.*

*Suliffeqarfimmi qulaani allannguutit pineqartut aqutsisut nalunaarutaanni nassuiarneqarputtaa.*

*Aqutsisut sanaartukkatut pigisani nalimik inissiinerat isumaqatigaarput aamma taakkua ukiumut nalunaarummi allaaserineqarnerat.”*

### **10.3. Mittarfeqarfiit**

Mittarfeqarfiit ukiumut naatsorsuutaannut Kukkunersuiusut uppernarsaanerannut nangaassutit tuliuttut ilanngunneqarput:

*”Sanaartukkatut pigisat nalinginik inissiineq aamma taakkuninnga nalikilliliinernit ingerlanneqartut siunertaraat, suliffeqarfiup nukimmik atuinerata ersersisinneqarneratut, aamma ingerlatsiviup ernialersuisitsisinnaaneranut aamma sanaartukkatut pigisat pigiunnaarsinnaaneranut periarfissai eqqarsaatiginagit, taakkununnga aningaasaliineq Aningaasanut inatsimmi aningaasaliissutit aqputigalugit ingerlanneqartarmat.*

*Namminersornerullutik Oqartussat suliffeqarfimmut namminersortitanut naatsorsuuserinermut nalunaarutaat naapertorlugu, sanaartukkatut pigisap nalinganik nalikilliliisoqassaaq, sanaartukkatut pigisap nalinga ajornerulersimappat – aamma nali ajornerulersoq qaangiutilertortuunngippat.*

*Soorlu aqutsisut nalunaarutaanni ersertoq, ulloq 31.12.2018 aqutsisut uppernarsaatissatut tunngavissaqarsimangillat, nunap naqqata allanngoriartornera pissutigalugu mittarfiit ajoqqusersimasu – imaluunniit Kalaallit Nunaanni mittarfiit aaqquissuussaanerannik allanngortitsinissamik eqqarsaatersuutit ingerlasut kingunerannik naatsorsuuserinermik ingerlatsiffigineqarsimasut nalingisa nalikillineqarnissaannut pisariaqartitsinermut.*

*Taamaattumik Kangerlussuarmi mittarfinnik, timmisartut uninngaartarfiinik il.il. nalimik katillugu 290 mio.kr.-inik inissiineq nangaassuteqarfigaarput”.*

# 11. Paasissutissat allat

## 11.1. Pisortat uppersaanerat ukiumilu naatsorsuutini kukkunerit iluarsineqarsimangitsut

Immikkoortunik kukknersioruminaatsunik kukknersiuinitsinnut atatillugu Aningaasaqarnermut Naalakkersuisoqarfimmi aqutsisut ukiumi naatsorsuutit pillugit uagutsinnut uppersaapput.

### 11.1.1. Ukiumi naatsorsuutini kukkunerit iluarsineqarsimangitsut

Kukknersiuinermi malittarisassat nunat tamat akornanni atuuttut malillugit pisussaavugut ukiumut naatsorsuutini kukkunerit iluarsineqarsimangitsut pillugit paasissutissiissalluta.

Taamatut paasissutissiisoqassaaq Inatsisartut aamma Kukknersiuinermut Ataatsimiititaliaq tamanna pillugu ilisimatinneqarnissaat qulakkeerniarlugu.

### Naatsorsuutit pillugit paasissutissani kukkunerit aamma amigaatit iluarsineqarsimangitsut

2018-imi ukiumut naatsorsuutini kukkunerit imaluunniit amigaatinik malunnaatilinnik naammattoorsisoqarsimangilaq.

## 11.2. Suliata allat

2018-imi ukiumut naatsorsuutitut kukknersiuusutut oqaaseqaammik saqqummiussinitta kingorna, Namminersorlutik Oqartussanut suliassat tulluuttut ingerlappavut.

## 11.3. Siunnersuinermit ikiorsiinermillu suliata

Suliat siunnersuinermit ikiorsiinermillu tunngasut akuerinnginneranni ataasiakkaani tamani qulakkeeqqaarparput suliassat Namminersorlutik Oqartussanut kukknersiuusutut uppersaalluta isumagininnitsinnik arlaannaannilluunniit illersuisuusussaanginnitsinnik qulalersitsisinaanersut.

2016-imi kukknersiuusutut nalunaarummik 02.05.2017 ulloq tunniussinitta kingorna, uppersaarnermik suliassat tulluuttut uku suliaraavut:

- Ilisimatusarfimmi inuit paasissutissartaasa equutinneqarnerannik naliliinermik ikiunneq
- Ilisimatuarfimmik allanngortitsinerup kingorna ukiut siulliit qulit qaangiunneranni naliliinermik ingerlatsineq
- Ukiumut nalunaarummik suliqaarnerup siorna ukiumut nalunaarummut uppersaatit katersinermi aamma pitsaassusiannik qulakkeerininnermi ikiunneq


# 12. Uppernarsaaneq

Inatsisit naapertorlugit matumuuna uppersarsassavarput, inatsisit naapertorlugit arlaannaannulluunniit attuumassuteqartussaanninnermik piunarsaatit naammassigatsigit, aamma kukkumersiuinerup nalaani paasissutissat qinnutigisimasavut tamaasa pissarsiarisimagatsigik.

Nuuk, ulloq 2. maj 2019

## Deloitte

Statsautoriseret Revisionspartnerselskab



Bo Colbe

statsautoriseret revisor



## **Ilanngussaq 2 – Kukkuersiunerup siunertaa, ingerlanneqarnera, annertussusia kiisalu akisussaaffinnik agguataarineq**

### **Kukkuersiunerup siunertaa annertussusialu**

Kukkuersiunerup siunertaraa ukiumut naatsorsuutit uppernarssusiannik qulakkeerinninnissaq, aammattaaq uagut akisussaaffigaarput naatsorsuutit malunnaatilimmik kukkuneqannginnissaat amigaateqannginnissaallu misissussallugit, naatsorsuutilu tunniunneqarneranni aningaasat atugas-sariftaasut aningaasaliissutaasimasunut, Inatsisartut aalajangiiffigisimasaannut allanut, inatsisinut najoqqutassianullu allanut kiisalu isumaqatigiissutaasimasut suleriaatsillu naliginnaasut, tassunga aamma ilanngullugit Namminersorlutik Oqartussat naatsorsuuserinermi perusiat aamma nakkutilli-inermi atuutsinneqartut ilanngullugit naleqquttuussusiannik nakkutilliissalluta.

Ukiumut naatsorsuutini kukkuersiuneq ingerlanneqarpoq kukkuersiuneq pillugu nunani tama-laani najoqqutassat aamma nunatsinni kukkuersiuisunut inatsimmi piumasaqaatit ilanngullugit Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu.

Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersup akuerineqarneranut atatillugu pinngit-soorani Namminersorlutik Oqartussat kukkuersiorneqarneranni Pisortat Naatsorsuutaannik Kukku-nersiuinermi ileqqorissaarnissaq naapertorlugu ingerlatsisoqassasoq, taanna Pisortat Naatsor-suutaannik Kukkuersiuinermi ileqqussani (SOR) erseqqissarneqarpoq.

Tamassuma nassataanik – ukiumut naatsorsuutit eqqortuunnerannik aningaasaqarnikkut kukkuersi-uinermik ingerlatsinerup saniatigut aamma ingerlatsinermik kukkuersiuinermik suliaqartoqartas-sasoq soorlu inatsisit atortinneqarnerannik kukkuersiuneq (inatsisit malittarisassallu malinneqar-nerannik nakkutiginninneq) siornatigut suliaasartumit annertunerulersoq, siornatigut kukkuersiuneq kukkuersiuisut ileqqorissaarnissaat naapertorlugu taamaallaat ingerlanneqartarpoq.

Kukkuersiuinermut aallaavittut aarlerinaataasinnaasunik aqqissuussaasumik naliliinermik inger-latsivugut, taamaaliornikkut naatsorsuutini inissitsikkat pingaarnarpaatut isigineqarlutik, aamma namminersorlutik oqartussat naatsorsuuserinermik aamma nalunaaruteqarnermik aqqissuussa-anut taamatullu suliamik ingerlatseriaasiannut allanut, kukkuluttornissamut aarlerinaatit annerpaar-taannik isiginninniarluta. Kukkuersiuinermi siunertaanngilaq, kukkunernik soqutaanngitsunik uki-umullu naatsorsuutit ataatsimut naliliiffigineqarnerannik allannguisussaannngitsunik nassaarniarnis-saq iluarsinissarluunniit.

Nalornissutaasinnaasunik naliliiniarnitsinni tunngavissaraagut paasisutissat pissarsiariniars-i-masagut, ilaatigut pissutsinut makkununga atuuttunut tunngasut:

- Inatsisit attuumassuteqartut pissutsillu allat avataaneersuneersut
- Suliat naatsorsuusiaaserlu atorneqartuq
- Anguniakkat, periusissatut aalajangiussat niueqatigiinnermullu tunngasuni nalornissutaasinnaasut
- Sulinermi periutsit aamma Namminersorlutillu Oqartussat iluani nammineq nakkutilliineq
- Allaffissornikkut aaqqissuussineq, pilersuisinnaassuseq piginnaasallu.

Kukkunersuineq pingaarnertut ingerlanneqartarpoq namminersorlutik oqartussani kukkunernik amigaatinillu pingaarutilinnik naaperiaaniarluni nakkutilliinertut nammineq aaqqissuussineranik misileraaneq. Nakkutilliinerit tassaasinnaapput aaqqissuussaarnermik imaluunniit elektroniskimik nammi-nerluunniit nakkutilliissutinik misilittaanerit. Taamaattumik it-mik atugaqarneq Nunap Karsiata ukiu-  
mut naatsorsuutaanut qanoq sunniuteqarnerisq misissorsimavarput.

Taamatuttaaq kukkunersuineq naatsorsuiner-  
mik misissueqqissaarnermik imaqarpoq, kiisalu aningaasaliissutit atuinerillu akornanni nikingassutit pingaarutilit pillugit nassuiaatit nalilersorneqar-simallutik.

Kukkunersuineq taamaallaat ilanngussanik nuussinernillu pisariaqartutut nalilersimasatsinnik misis-  
suiner-  
mik imaqarpoq - imaluunniit malittarisassat immikkut ittut malequnneqarnerat naapertorlugit ingerlanneqarluni.

Ukiuumut naatsorsuutini kukkunerit pingaarutilit iliutsini ilaginnaanernilu piaarinani piaaraluniluunniit  
pissamasuussaapput. Pingaarutilitsigut kukkunernik pinngitsoortitsinissamut periarfissat, tassunga ilanngullugit peqquserlunnerit innarliinerillu, siullertut pingaarnertullu nalunaarsuisarnermut systemi-  
nik sulinermilu periutsinik aaqqissuussinerit aqutugalugit suliffeqarfiup iluani nakkutilliinerup tutsui-  
ginartuunissaanik qulakkeerinnissutaasussaapput.

Kukkunersuinita ingerlannerani suliassaqarfitta iluanni qularneq pisarialik atorlugu pissutsinik ma-  
lussarniartussaavugut taamalu peqquserluttuliornerit innarliinerilluunniit allat maluginiartussaallutigit.  
Kukkunersuinitinni makkua oqallisigisimavagut:

- peqquserlunneq pissutigalugu ukiumut naatsorsuutit pingaarutilinnik kukkuneqarsinnaanerannut aqutsisut naliliinerat
- aarlerinaataasinnaasut taamaattut pinaveersaartinniarlugit naatsorsuuseriner-  
mik nakkuti-  
liinermillu aaqqissuussinerit aqutsisunit atuutsinneqartut pillugit aqutsisut naliliinerat
- peqquserluteqarsimaneq pillugu imaluunniit peqquserluttoqarsimanageranik pasitsaassaqarneq tunngavigalugu aqutsisut ilisimasaannik nalilinerit.

kukkunersuiner-  
mi maluginngitsoorneqarsinnaapput, kukkunerit taamaattut isertorniarneqartarmata isertuunneqarlutilluunniit. Pissutsinik taamaattoqarneranik ilimatsaatsitsisunik naammattuuigutta su-  
liffeqarfimmi aqutsisut qanimut isumaqatigiissuteqarfialugit ilimatsaassaq eqqortuunersuq tunnga-  
vissaqanginnersorluunniit paasiniallugu sukumiinerusumik misissuiner-  
mik ingerlatsisussaavugut.

## **Kukkunersiuinerup ingerlanneqarnera**

Ukiup ingerlanerani aamma ukiup naanerani kukkunersiuinermik ingerlatsivugut. Kukkunersiuineq aatsaat naammassineqassaaq kukkunersiuinermik atsiorluta uppenarsaanitsigut.

Ukiumut naatsorsuutiniq suliaqarnitta annertussusia aalajangerneqartarpoq taakkununga malunnaatilimik kukkusoqarsinnaaneraniq ataatsimut naliliineq aallaavigalugu.

Kukkunersiuineq ingerlanneqarpoq uppenarsaatissatut misiliutinik tiguisarluni nakkutilliinikkut – imaluunniit naatsorsuutini atukkat eqqortuussusiannik uagut allatut uppenarsaanitsivut, soorlu misiliutinik tiguisarluta uagut uppenarsisinneqartartugut naatsorsuuserinermik maleruaqqusat malinneqarnerannik innersuutit, uppenarsaanerit akiliinissanullu ileqqoreqqusat malinneqarsimanerat pil-lugit.

Aningaasaliissutit naatsorsuutaat Inatsisartut aningaasaliissutaannut aamma ilassutit aningaasaliissutaannut naligiissitsinermik ingerlatsivugut, malunnaatilinnik nikingassuteqartut suliffeqarfinni aqutsiveqarfinnulluunniit attuumassuteqartunut naatsorsuuserinermi uppenarsaatit misissorlugit, nikingassutit tunngavissaqarnerannik nakkutilliilluta.

Kukkunersiuinikkut uagut nammineq uppenarsisippugut, namminersorlutik oqartussanit aningaasaqarnermi pigineqartut nalunaarsorsimassut ilumut pigineqarnerat aamma naatsorsuuserinermi periutsit atuuttut naapertorlugit taakkua nalilersorneqarsimasut. Aammattaaq nalilerparput, akiitsutigut pisussaaffiit, namminersorlutik oqartussanit pisussaaffigineqartut ilanngunneqarlutik illersorsinnaasumik uuttorneqarsimanerat, kiisalu naatsorsuutini inissitsikkat eqqortumik piffissalersugaasimasut ukiumullu naatsorsuutini eqqortumik inissitsiterneqarsimanersut.

Misissorparput, ulloq kukkunersiuisut uppenarsaammik atsiornerisa kingorna pissutsit pingaarutilit tamarmik ukiumut naatsorsuutini eqqortumik ilanngunneqarsimanerat.

Ukiumut naatsorsuutiniq kukkunersiuinitsinnut atatillugu kukkunersiuinermi ileqqorissaarnissaq malillugu, paasisutissat arlaallit pingaartumik immikkoortuni kukkunersioruminaatsunut tunngasut pil-lugit Aningaasaqarnermut naalakkersuisoqarfimmik oqaloqateqartarpoq. Tamakku tassaasinnaapput paasisutissat pisussaaffiusinnaasunut tunngasut, soorlu taarsigassarsinermi sallunaveeqqusiinerit, qularnaveeqqusiinerit, eqqartuussivikkut suliaasiissutit peqquserlunnerillu, avatangiisinit tunngasut pisimasulluunniit ullup oqimaatigitiissitsiffiusup naatsorsuutinillu inissitsiteriffiusup kingorna saqqummersut, immikkut ittumik nalorninartorsiortitsinngikkunik qularnartoqarsinnaasut.

Ukiumut naatsorsuutit ataatsimut isigalugit nalilersimavagut, tassunga aamma ilanngullugu namminersorlutik oqartussani naatsorsuinermi ileqqoq atuutsinneqartoq paasisutissanik naammattumik tunniussinersoq.

## **Kukkunersiuisup nalunaarusiornera**

Ukiumut naatsorsuutiniq kukkunersiuinerup naammassinerani suliaq kukkunersiuisumit uppenarsarneqassaaq. Kukkunersiuisup uppenarsaanera oqaaseqaatitaqanngippat imaluunniit paasisutissanik ilanngussartaqanngippat, ima paasineqassaaq:

- Ukiumut naatsorsuutit saqqummiunneqartut kukkunersiorneqartullu naatsorsuuserinermik maleruaqqusat naapertorlugit suliarineqarsimasut

- Ukiumut naatsorsuutit Namminersorlutik Oqartussat pigisaannik akiligassaannik, aningaasaniik kaaviaartitsineranik, aningaasaqarnermi inissisimaneranik aamma Namminersorlutik Oqartussat pigisai aallaavigalugit angusat pillugit eqqortumik takutitsinermik tunngaveqartut
- Suleriaatsinik aamma illup iluani nakkutilliinermik pilersitsisoqarsimanera ukiumut naatsorsuutitut ilanngunneqarsimasunut tapertaasussatut, taakkua aningaasaliissutigineqartunut naapertuunnerat, Inatsisartut aalajangiussaannut allanut, inatsisinut aamma najoqqutassianut allanut kiisalu isumaqatigiissutaasimasunut taamatullu ingerlatsinermut nalinginnaasumut.

Kukkunersiuinerup naammassineranut atatillugu, kukkunersiuusut ukiumut naatsorsuutit pillugit nalunaarutaanni, naatsorsuuserinermi kukkunersiuinermilu pingaaruteqarnerpaat nassuiaateqarfignissavagut kiisalu kukkunersiuinermik suliarput tunuliaqutaralugu inerniliissalluta. Ukiumut naatsorsuutit kukkunersiuinitsinni immikkut erseqqissaatit, nalunaarutit assigisaallunniit uagutsinnut tunniunneqarsimappata, uagut paasinnittaaserput naapertorlugi ukiumut naatsorsuutitut pingaaruteqarsinnaasorisavut pillugit kukkunersiuusutut oqaaseqaammik tamanna erseqqissaatigissavarput.

Ilanngullugu ukiup ingerlanerani kukkunersiuusut oqaaseqaataannik tunniussissaagut kukkunersiuinermik suliamik ingerlatsisimagutta immikkut inerniliinissamik tunngavissaqarsorisatsinnik imaluunniit tamanna pisariaqartutut isigigaangatsigu.

Kukkunersiuinermut atatillugu naatsorsuuserinermik aamma nalunaarsueriaatsini, Namminersorlutik Oqartussat nammineq nakkutilliissutaanni imaluunniit niuerneramik ingerlatseriaatsini assigisaanniluunniit sanngueqqutinik imaluunniit amigaatinik naapertuutinningsunilluunniit paasisaqarutta, tamanna Namminersorlutik Oqartussanut ilisimatitsissutigineqassaaq ikorsiisinnaanitsinnik siunnersuummik ilallugu. Amigaatit malunnaatillit pineqarpata imaluunniit uagut kissaatiginartikkutsigu pissutsit kukkunersiuusut nalunaarutaanni ilanngunneqassapput. Erseqqissaatigiumavarputtaaq ukiumut naatsorsuutit kukkunersiuinermi sannguequtaasinnaasut, amigaataasinnaasut imaluunniit naapertuutinningsut Namminersorlutik Oqartussat naatsorsuueriaasiani nalunaarsueriaasianiittuluunniit kukkunersiuinermik pilersaarusiornermi tamaasa nassaarinialugit siunertarineqartanngimat.

Kukkunersiuinerup ingerlanerani pissutsinik ilisimasaqalissagaluarutta tunngavissalimmik pasitsanartoqarneranik, qullersaqarfimmi ilaasortat ilaannik taarsiisussaataitanermik pineqaatissinneqarsinnaanermilluunniit akisussaataalersinnaasunik, inatsisit naapertorlugit kukkunersiuusut oqaaseqaataanni paasissutissanik ilanngussisussaataavugut.

Uagut kukkunersiuusutut nipangersimasussaataavugut tamatumalu nassataanik kukkunersiuinerup nalaani paasissutissanik allanut oqaatigeqqusaanngitsunik paasisaqassagaluarutta ingerlatitseqqisinnaanata. Taamaattoq nipangersimasussaataanerup taassuma iluaniinngillat paasissutissat inatsisit, eqqartuussiviit, isumaqatigiinniartitsisartulluunniit aalajangiussaata imaluunniit pisortat sinerlugit nakkutilliinermik imaluunniit nammineq inatsisaatsuliornissamut illersorniarluni paasissutissat saqqummiunneqarnissaannik pisariaqartutut nalilerneqartut.

Allamik isumaqatigiissuteqartoqarsimanngippat Namminersorlutik Oqartussanut attaveqarnerput elektroniskimik ingerlavoq, tamanna naapertuuttut isigineqartillugu. Taamaattoq internetti atorlugu attaveqatigiinnerup aarlerinaatigaa, paasissutissat isertuunneqartussat paasissutissiivigineqartumullu naatsorsuussat allanit atuarneqaratarsinnaanerit. Taamaattumik attaveqatigiinneq internetti aqqutigalugu ingerlanneqarsimatillugu ajoqqusiisimasinnaanerit akisussaaffigisinnaanngilagut, soorlu paarlattuanik Namminersorlutik Oqartussat assingusumik akisussaartilersinnaanatu.

## **Akisussaaffiup avinneqarsimanera**

Inatsisit malillugit kukkunersiuinermi ukiumut naatsorsuutitut tunngatillugu Namminersorlutik Oqartus-sani aqutsisut kukkunersiuusullu akornanni akisussaaffeqarneq imatut agguataarneqarsimavoq:

### ***Aqutsisut akisussaaffiat***

Aqutsisut akisussaaffigaat Namminersorlutik Oqartussat naatsorsuuserinissaat inatsisini malittari-sassat taakkununga atuuttut malillugit, pigisanillu aqutsinerup tutsuiginartumik nakkutigineqarnis-saa, ilaatigut suliffeqarfiup iluani nakkutilliinermut systeminik tutsuiginartunik pilersitsinikkut, Nammi-nersorlutik Oqartussat naatsorsuuserinissaa pigisanillu aqutsinerup naammaginartumik nakkutigi-neqarnissaa, kiisalu kukkunersiuinermi tunngavissaq pisariaqartinneqartup piunissaa.

Aqutsisut akisussaaffigaat sulinermi periutsit kiisalu nalunaarsuinermi nakkutilliinermilu aaqqissuus-sat siunertamut tulluurtut atorlugit ingerlatsinerup isumannaatsuunissaanik qulakkeerinnineq, piaa-raluni piaarinaniluunniit kukkunerit pitsaallorneqarlutillu paasineqarnissaat kiisalu iluarsineqarnissaat siunertaralugit.

Aqutsisut aamma akisussaaffigaat ukiut tamaasa ukiumut naatsorsuusiortarnissaaq, naatsorsuusi-ortarnermi aalajangersakkat inatsisillu naatsorsuusiortarnermut nalunaarummi allassimasut malillugit. Aamma aqutsisut akisussaaffigaat kukkunersiuusup paasissutissanik tamanik kukkunersiuinermi su-liassat aaqqinnissaannut pisariaqartinneqartunik pissarsinissaat.

### ***Kukkunersiuusup akisussaaffia***

Kukkunersiuusut akisussaaffigaat nakkulliiffigissallugu, ukiumut naatsorsuutitut naatsorsuuseriner-mik maleruaqqusat naapertorlugit ingerlatsisoqarnerisooq, ilanngullugu naatsorsuuseriner-mik inger-latseriaaseq atorneqartoq aamma qullersat paasissutissatut tunniussaat aamma naatsorsuuseriner-mik nalilersuinerannik nakkutilliissallutik. Uagut aamma akisussaaffigaarput nakkutigissallugu, uki-umut naatsorsuutitut kukkunernik malunnaatilinnik imaqaanginnissaat aamma qullersaqarfiup nalu-naarutaanni paasissutissat ukiumut naatsorsuutitut naapertuunnissaat.

Kukkunersiuinermut inatsit naapertorlugi kukkunersiuusooq inuiaqatigiit sinniisaattut inississaaq up-pernarsaalluni atsiortarnermut atatillugu, inatsisit naapertorlugit piunarsaqaataasoq aallaavigalugu imaluunniit akisussaaffimmik tunniussisup kisimiilluni atugassaattut naatsorsuunneqarsimanngikkuni. Tamatuma nassataraa uppernarsaanermik tunniussinitsinnut atatillugu naatsorsuutitut atusut allat eqqarsaatigissagivut Inatsisartut aamma Kukkunersiuinermik Ataatsimiititaliap soqutigisaat kisiisa aallaaviginagit.

Ingerlatsivimmi aqutsisunik isumaqatigiissuteqarnikkut siunnersuiner-mik ikiunneqarullu sulii-aqarsimagutta siunnersuisutut tamanna nammineerluta akisussaaffigissavarput.

### ***Kukkunersiuusup uppernarsaatitut atugai***

Suliner-mi pappiararsuutitut allatulluunniit uppernarsaatit, taakkununga ilanngullugit pappiaqqat elek-troniskiusut tigussaasullu kukkunersiuinermi ingerlanerani pissarsiarineqartut Deloittemit kisimik pigineqarput. Ingerlatsiner-mi ileqqusut naapertorlugit uppernarsaanerit taamaattut ukiut tallimat qaangiukkaangata aserorterneqarsinnaapput nungusagaallutilluunniit, uppernarsaatit kukkunersiu-i-ner-mi pingaaruteqarsinnaanerit allatut nalilerneqarsimanngippat.

Naapertuuttut isigineqarpat pappiaqqat fil-illuunniit Namminersorlutik Oqartussanut tunniunneqarsinnaapput, taamannak pisoqassappat piumasaqaatigineqassaaq Namminersorlutik Oqartussanit kisimi atorussatut atorineqassasut allanullu ingerlateqqinneqartussaannngitsut.

Pappiaqqat tunniunneqartut pillugit Namminersorlutik Oqartussanit atorineqassagaluarpata tassunga akisussaatinneqarsinnaanngilagut, pappiaqqat tunniunneqartut pillugit ikiuunnermik aamma tassunga tunngatillugu akisussaanerput pillugu immikkut atsiukkamik isumaqatigiissuteqartoqarsimattinnagu.

### **Kukkunersiuinerup pitsaassusaanik qulakkeerinnineq**

Kukkunersiuinermut inatsit naapertorlugu pitsaassutsimik nakkutilliinissamik pisussaataavugut taanna Revisortilsynemit ingerlanneqartartoq naapertorlugu, taakkualu Erhvervsstyrelsimit pilersinneqarsimallutik. Pitsaassutsimik nakkutilliisussat Revisortilsynimit toqqarneqartarput.

Tamatuma nassataanik uagut suliatsinnik uppernarsaatinik misilitassanik tigussilluni pitsaassuseq nakkutilliivigineqarsinnaavoq.

Revisortilsyn-imi ilaasortat aamma inuit pitsaassutsimik nakkutilliisut nipangersimasussaataapput.

### **Siunnersuineramik, ikiuunnermik allanillu suliat**

Immikkut ittunik assigisaannillu uppernarsaanerit pillugit isumaqatigiissuteqartoqarsimatillugu, taakkua kukkunersuiisut oqaaseqaataanni nalunaarutigineqassapput.

Siunnersuineramik ikiuunnermillu suliassani naliliissavarput kukkunersuiisut kinaassusersiortuunnginnissamik inatsisaat naapertorlugu ingerlatsinerput.

Siunnersuineramik ikiuunnermillu suliassat akuersissutiginninneranni pissutsini ataasiakkaani tamaginni nalilertarparput suliassatut saqqummiunneqartoq uagut kinaassusersiortuunnginnissatsinnut qulalersitsisinaanersoq.

**Om Deloitte**

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 200.000 medarbejdere arbejder målrettet efter at sætte den højeste standard.

**Deloitte Touche Tohmatsu Limited**

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til [www.deloitte.com/about](http://www.deloitte.com/about) for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.